

2021

GODIŠNJI IZVJEŠTAJ



FONDACIJA
HASTOR

SADRŽAJ

UVODNA RIJEČ	3.
O NAMA	5.
PROCES ODABIRA STIPENDISTA	7.
KADA ŽELJE POSTANU STVARNOST - 15 GODINA RADA FONDACIJE HASTOR	8.
REZULTATI, USPJESI ZA 2020/2021	9.
NAJZNAČAJNIJI DOGAĐAJI	10.
PROJEKTI	12.
NAJZNAČAJNIJI USPJESI STIPENDISTA	17.
NAJZNAČAJNIJE AKTIVNOSTI STIPENDISTA U LOKALNOJ ZAJEDNICI	31.
NAJZNAČAJNIJE VANNASTAVNE AKTIVNOSTI STIPENDISTA	40.
PREDSTAVLJANJE UČENIKA GENERACIJE	46.
LISTA DIPLOMANATA I MAGISTRANATA	54.
PREDSTAVLJANJE NAJBOLJIH STUDENATA SA PROSJEKOM 10.0	55.
ONLINE MJESEČNI SASTANCI STUDENATA STIPENDISTA	65.
POKRETAČKA SNAGA FONDACIJE HASTOR	66.
PREDSTAVLJANJE POSEBNIH TIMOVA	67.
PRIDRUŽITE NAM SE	73.
KLUB PRIJATELJA I DONATORA	75.

UVODNA RIJEČ DIREKTORA



Obilježavanje petnaeste godišnjice postojanja i aktivnog djelovanja Fondacije Hastor inspirisalo me je da se vratim u godinu kada je ona bila tek sjajna ideja. Javila se tih godina jedna velika vizija čije rezultate, i više nego li uspješne, mi danas s ponosom i nemjerljivim zadovoljstvom živimo i gledamo. O tome ja ne mogu kazati ništa više od onoga što su kazivale stranice svih prethodnih i što će kazati i stranice ovog i budućih izvještaja, jer ovu priču ne pišem sam, nju već petnaest godina zaredom pišu uspješni mladi ljudi i svaki put iznova uspiju pokazati kako Fondacija Hastor iz godine u godinu napreduje i ostaje unikatna priča naših prostora. Tu priču su kreirali Osnivači, vode je neki divni ljudi, jer takva misija ne zaslužuje ništa manje od samoga divljenja. Od svoga postanka Fondacija Hastor ne prestaje promovisati pozitivne vrijednosti i okupljati mlade ljude željne napretka i stjecanja novih znanja. Prvobitna misija da se pomogne obrazovanje perspektivnih učenika i studenata pogođenih lošom socio-ekonomskom situacijom nikada nije prestala biti ideja vodilja Fondacije Hastor, s tim da ona, osim finansijske, svojim stipendistima pruža i druge vidove podrške te ih osposobljava da budu perspektivni lideri i korisni članovi svoga društva. Jedan od glavnih alata našeg rada jeste mentorski i volonterski rad, po nama značajniji čak i od finansijske kontribucije, jer je upravo taj segment zaslužan da se u našim stipendistima ukorijeni svijest o drugome i osjećaj za pomaganje. Takvi principi već punih petnaest godina stipendiste Fondacije Hastor izdvajaju od drugih te im pružaju priliku da već u školskim i fakultetskim danima rastu i razvijaju se neuporedivo bolje i brže.

Za Fondaciju volim kazati da je porodica i to je možda i jedina riječ kojom se dostojno da opisati odnos koji vlada između Fondacije i njenih stipendista. Porodica je zajednica čiji članovi znaju da uvijek i u bilo koje vrijeme imaju podršku jedni u drugima, porodica pruža neupitnu sigurnost i zaštitu, ljubav i poštovanje i, ono najvažnije, to je zajednica u kojoj ponajprije naučimo kako zakoračiti u svijet i suočiti se s njegovim izazovima. Sve to je Fondacija Hastor svojim stipendistima i upravo zbog toga je riječ porodica ona koja najbolje opisuje njenu ulogu u životu naših stipendista.

Biti dio porodice Fondacije Hastor nosi uz sebe mnogo obaveza i odgovornosti koje naši stipendisti uspješno obavljaju, ali ono što je najbitnije jeste da nakon okončanja obrazovanja dobijamo uspješne i perspektivne mlade koji su prvenstveno dobri ljudi koji će sutra uploviti u nove izazove, a Fondacija će im biti vjetar u leđa. Trenutak kad se jedan član porodice sprema napustiti dom i osnovati svoj, jer je za to već sposoban, potpuna je paralela trenutku kada naši stipendisti završe fakultet i „polete“ ambiciozno u svijet, noseći sa sobom sve ono što su ovdje naučili i znajući da će uvijek imati mjesto na koje se mogu vratiti kada požele pružiti pomoć ili onda kada im je i samima potrebna.

Vrijedi istaći i to da naši stipendisti nisu samo dobri učenici, studenti i volonteri, oni su pokretači pozitivnih promjena koje doprinose i pozitivnim promjenama u čitavoj Bosni i Hercegovini. Kada uzmemo u obzir činjenicu da Fondacija Hastor djeluje na području 135 općina i da trenutno broji 2207 stipendista, postaje jasno da su korijeni na kojima je njena misija izrasla čvrsti i sigurni te da iz godine u godinu daju sve bolje i kvalitetnije plodove. Spomenuta cifra svakako nije konačna, naša želja je da uz pomoć naših prijatelja uvećavamo broj naših stipendista te da na taj način budemo jedan od faktora promjene društva i kreiranja bolje budućnosti za naše mlade generacije.

Iako je obrazovanje na prvom mjestu, naše stipendiste dugi niz godina uspješno motivišemo da djeluju i u mnogim drugim vannastavnim aktivnostima te da svakodnevno i bez iznimke rade na sebi. Brojna priznanja, univerzitetska odlikovanja, medalje i druga dostignuća naših stipendista iz širokog spektra oblasti govore mi da nismo pogriješili, a to mi svaki put iznova pokažu njihove pozitivne priče koje ponosno ispričaju na ovim stranicama. Ne samo da su uspješni školarci i studenti, naši stipendisti polako postaju divni ljudi, a to znam kroz stotine primjera njihovog doprinosa malim i velikim stvarima, koje kao takve male ili velike u našim očima izgledaju sjajno, dok neko me znače život. Naši stipendisti bezmalo znače život!

Seid Fijuljanin
Direktor Fondacije Hastor

Seid Fijuljanin
Direktor Fondacije Hastor



O NAMA

Fondacija Hastor je neprofitna nevladina organizacija koja na području Bosne i Hercegovine uspješno opstoji još od 2006. godine, kada je odlučno krenula s misijom da bodri i osnažuje mlade ljude ove zemlje na njihovom putu ka uspjehu. Već dugi niz godina svoju misiju uspješno i dosljedno izvršava, povećanjem broj stipendista s ciljem da kreira odlučne, samouvjerene i ambiciozne mlade generacije koje će svakodnevno težiti ka vlastitom, ali i napretku svoga okruženja. Fondacija Hastor jedna je od rijetkih zajednica koja stipendiste koji jednom postanu njenim dijelom finansira sve dok oni odgovorno i dosljedno ispunjavaju svoje školske/fakultetske, ali i obaveze prema samoj Fondaciji. Ova karakteristika ju značajno izdvaja i čini prostorom u kojem njeni stipendisti osjećaju sigurnost i bezuvjetnu podršku kroz cijelo svoje školovanje. Osim toga, Fondacija nastoji imati skoro svakodnevnu komunikaciju sa svojim stipendistima kroz volontiranja i mjesečne sastanke što je svakako jedna od osobina koja ju izdvaja i zbog koje ona zasigurno gradi čvrsto jezgro koje okuplja i privlači karakterne i marljive članove koji kasnije gotovo bez iznimke postaju aktivni članovi okruženja u kojima se nađu te pokretači značajnih promjena u društvu.


Od samog početka djelovanja Fondacija je promovisala ideju pomaganja i osnaživanja mladih ljudi s ciljem da oni postanu samosvjesni lideri svojih zajednica, vidjevši u njima priliku za napredak i svakodnevno aktivno djelovanje. Njena misija je godinama fokusirana na udruživanje raspoloživih finansijskih i ljudskih resursa te njihovo pravedno i efikasno usmjeravanje u razvoj obrazovanja, jačanje i podsticanje razvoja ljudskih potencijala neporecivi je imperativ ove zajednice...

Osim toga, Fondacija djeluje i u smjeru pripremanja mladih ljudi za svijet poslovnih sredina koji ih čeka nakon završetka njihovog školovanja, a to čini kroz volonterske aktivnosti gdje stipendisti, od onih najmlađih do onih najstarijih, stječu razna korisna i pozitivna iskustva koja im nesumnjivo koriste na putu ka njihovim budućim poslovnim uspjesima. Objedinjujući pozitivnu energiju, ambiciju, mladost i volju za napretkom i uspjehom Fondacija Hastor predstavlja važan segment Bosne i Hercegovine s obzirom na to da okuplja mlade iz cijele države, podrazumijeva da oni zahvaljujući iskustvu koje im Fondacija pruža bivaju sposobni preuzeti odgovornosti unapređenja svoga okruženja.

Uspješne priče bivših stipendista najbolji su pokazatelj važnosti jedne ovakve organizacije za bosanskohercegovačko društvo, pogotovo mlade. Upravo pozitivni primjeri stipendista koji su izašli iz odreda Fondacije Hastor i postali uspješni na raznim poljima i u raznim zanimanjima, pritom pomažući onima kojima je pomoć potrebna, pokazuju da je naša misija zasnovana na ispravnim postulatima i univerzalnim vrijednostima koje iz godine u godinu postaju sve bolji pokazatelji kako se jedino na jakim temeljima okruženim humanošću i empatijom mogu graditi uspješne, obrazovane i odgovorne mlade generacije naše zemlje.



STIPENDISTI 2020./2021.



PROCES ODABIRA STIPENDISTA

Fondacija Hastor tokom cijele godine prima molbe za stipendiranje od strane učenika osnovnih i srednjih škola u Bosni i Hercegovini, kako pismeno, tako i elektronskim putem (preko online obrasca na web-stranici Fondacije Hastor). Molbe sadrže kontakte aplikanta, kratak opis socio-ekonomskih uvjeta u kojima žive aplikanti, kao i informacije o postignutom uspjehu u školi.

Obrada pristiglih molbi vrši se jednom godišnje, u periodu februar/mart, nakon čega se aplikantima šalje zahtjev koji trebaju popuniti skupa s pratećom dokumentacijom koja može posvjedočiti o iskazanoj ekonomskoj situaciji i ostvarenom školskom uspjehu. Prikupljeni podaci se unose u softver koji automatski kreira rang listu kandidata.

01

Nakon toga, tim Fondacije Hastor posjećuje kandidate s najvećim brojem bodova.

02

Nakon izvršene provjere stanja na terenu, stipendije se dodjeljuju određenom broju kandidata u ovisnosti od predviđenog budžeta za datu školsku godinu.

03

Studenti mogu postati stipendisti Fondacije Hastor ukoliko Fondacija objavi javni konkurs za prijem novih studenata. Konkurs za studente se objavljuje krajem godine. Prijavljivanje na konkurs se vrši isključivo online prijavom bez dostavljanja dokumentacije. Softver automatski kreira rang listu kandidata na osnovu uspjeha na fakultetu te ekonomske situacije u porodici. Kandidati s najvećim brojem bodova bivaju pozvani na intervju s članovima Komisije za dodjelu stipendija.

KAD ŽELJE POSTANU STVARNOST

Tekst o 15. godišnjici Fondacije Hastor

Priča o Fondaciji Hastor, njenom osnivanju, djelovanju te postignutim rezultatima sigurno je jedna od najunikatnijih i najinspirativnijih priča u našoj zemlji. Dosljednost jedinstvenom cilju, viziji i misiji punih 15 godina potvrđuje da su za ostvarenje uspjeha neminovne vrline koje Fondacija njeguje: marljivost, odlučnost i istrajnost.

Fondacija Hastor je jedan od rijetkih primjera zajednice koja ima čvrsto i zdravo korijenje iz kojeg iz godine u godinu, još od njenog osnivanja, niču brojni plodovi koji kasnije i sami postaju temelj za širenje znanja te pozitivne promjene u bh. društvu. Danas njeno stablo broji **2207** mladih ljudi koji ponosno i dostojno nose titulu stipendista Fondacije Hastor. Iz njenog čvrstog korijena, koji je njegovan znanjem, upornošću, željom za pomaganjem i podsticanjem mladih ljudi da vjeruju u sebe i da iz dana u dan nastoje ostvarivati svoje ciljeve, iznikla je čitava zajednica koja danas, nakon skoro petnaest godina aktivnog djelovanja, broji 2207 stipendistica i stipendista koji pod zastavom Fondacije svakodnevno djeluju u svojim lokalnim zajednicama, a zatim i u širem okruženju.

Ova godina je za sve nas bila iznenađenje i prilika da pokažemo kako, ukoliko ga dovoljno želimo, na putu ka uspjehu ne postoje nepremostive prepreke. Fondacija Hastor je uprkos takvim uvjetima nastavila sa svojim radom, prilagođavajući svoje aktivnosti novonastaloj situaciji. Tome svjedoči i činjenica da je već na samom početku ove godine mladih ljudi, koji svojim znanjem nastoje donijeti promjene našoj zemlji, pristupilo preko 40 novih studentica i studenata stipendista čime je Fondacija Hastor još jednom pokazala koliko su njeni korijeni, zalivani upornošću, ambicijama i trudom, čvrsti i sigurni za sve plodove koji, kako vidimo, iz godine u godinu sve više rastu. Obnavljanje starih i potpisivanje novih ugovora svake godine podsjetnik je da Fondacija gradi jednu nesvakidašnju priču o mladim ljudima koji, uz njenu podršku, hrabro koračaju ka svojim ciljevima. Od samog njenog osnivanja, bila je prostor namijenjen djeci i omladini ove zemlje koji imaju jasna i formirana htijenja te nam je zadovoljstvo i ponos kazati da je takva ostala i danas čemu svjedoče nanizani brojni uspjesi svih stipendista.

Nastojeći što intenzivnije istaknuti trud i zalaganje svojih članova, Fondacija Hastor svakodnevno na novokreiranoj web-stranici objavljuje pozitivne priče te time ohrabruje stipendiste da nastave nizati uspjehe, ali i daje primjer s nadom da će upravo te priče podstaknuti promjenu među mladim ljudima. Spomenuta web-stranica, koju svojom kreativnošću i sposobnošću uređuju i vode upravo stipendisti, jedan je od značajnijih noviteta koji su obilježili 15. godišnjicu postojanja ove velike zajednice, njena zadaća i svrha je najprije prikazati inspirativne priče proaktivnih i marljivih članova, ali i dovesti na jedan veći nivo samu priču Fondacije Hastor, ističući njen kontinuirani napredak.

Brojka od ukupno 2207 stipendista koja je planirana i uspješno postignuta u ovoj godini svjedoči da je ova priča, koja se počela pričati prije 15 godina, uistinu dobra i vrijedna, jer se jedino dobre priče iz godine u godinu čuvaju i prenose kao plemenite i dragocjene. Usljed pandemije virusa COVID-19, stipendisti Fondacije Hastor su na svakoake načine pokazivali humanost i odgovornost koja ih odlikuje. Svi oni se, potpisivanjem ugovora, obavezuju da će koristiti svojoj zajednici, što im nije teret nego čisto zadovoljstvo. Fondacija Hastor i svi njeni članovi odlučno su okupljeni oko ideje razvoja lokalnih zajednica te razvijanja poduzetničkog duha mladih ljudi ove zemlje s ciljem podsticanja i aktiviranja njihovih kreativnih potencijala. Takve težnje, ali i rezultati su najprimjetniji u volonterskom angažmanu stipendistica i stipendista Fondacije Hastor koji od osnovne škole, pa sve do fakultetskog obrazovanja razvijaju i unapređuju svoje potencijale, vještine i kreativnosti te na mnogo načina, shodno svojim sposobnostima, aktivno doprinose svojim lokalnim zajednicama.

Broj od 2207 oslikava rezultat rada i truda svih ovih godina iza nas, on je naša najbolja nagrada i najvrednija titula – ova brojka priča jednu posebnu priču o mladim ljudima koji pod zastavom Fondacije Hastor hrabro i ponosno postižu izvanredne uspjehe. Njih 2207 su primjer ostvarenih snova i jedne davne želje koja je danas postala stvarnost.

REZULTATI

Uspjesi u 2020/21. godini

OPĆINA

135

OBRAZOVNIH
INSTITUCIJA

600

BIVŠIH
STIPENDISTA

2056

VOLONTERSKIH
SATI

350
000

DIPLOMANATA I
MAGISTRANATA

102

364

SUPERODLIKAŠA

934

ODLIKAŠA

749

OSNOVACA

953

SREDNJOŠKOLACA

505

STUDENATA

2207

STIPENDISTA

2020./2021.

NAJZNAČAJNIJI DOGOVORI

Potpisani ugovori o stipendiranju s učenicima osnovnih i srednjih škola

Kao i svake godine u ovo vrijeme Fondacija Hastor obnavlja ugovore o stipendiranju s ranijim stipendistima osnovnoškolcima i srednjoškolcima, ali i proširuje porodicu novim članovima. Potpisivanje novih i obnavljanje starih ugovora za Fondaciju Hastor predstavlja jednu od najznačajnijih i najvjernijih potvrda uspjeha u svojoj nakani da svakodnevno radi na tome da što veći broj djece s nešto težim socio-ekonomskim stanjem dobije priliku za napredak, školovanje te, ono najvažnije, snažan oslonac koji ih prati i čuva u toku njihovog odrastanja. Fondacija Hastor za svoje stipendiste predstavlja gnijezdo i utočište, mjesto na kojem uvijek mogu potražiti bezuslovnu podršku i ohrabrenje i mjesto s kojeg, kad odrastu i postanu samosvjesni mladi ljudi s jasnim vizijama i ambicijama, odu bogatiji za jedno nezamjenjivo životno iskustvo. To opravdava i želju Fondacije Hastor da svojim stipendistima ne bude samo finansijska nego i podrška u svakom drugom aspektu njihova života te profesionalnog i ličnog razvoja.

I ove godine su potpisani ugovori i održani susreti s novim stipendistima i njihovim pričama potvrdili značaj misije Fondacije Hastor za mlade ljude naše zemlje. Vrijedi spomenuti i to da učenici osnovnih i srednjih škola u Fondaciji Hastor pronalaze pozitivan primjer s obzirom na to da uz nju odrastaju te uviđaju prave životne vrijednosti. To potvrđuje i činjenica da su upravo vrijedni osnovci i srednjoškolci, stipendisti Fondacije Hastor, nosioci najprestižnijih

priznanja, medalja i trofeja s brojnih takmičenja unutar Bosne i Hercegovine i u regiji. Fondacija Hastor od početka postoji s uvjerenjem da ulaganjem u mlade naraštaje ulaže u bolju i perspektivniju budućnost. Dajući pozitivne primjere ovim mladim ljudima, ona daje sigurnost da će upravo oni izrasti u perspektivne, ambiciozne, samosvjesne i osviještene ličnosti koje će svakodnevno stremiti ka promociji i afirmaciji napretka na svim poljima.

Među potpisanim ugovorima s najmlađim stipendistima Fondacija Hastor vidi buduće ekonomiste, doktore, inženjere, učitelje, profesore, poduzetnike i lidere i, ono najvažnije, filantropski osviještene mlade ljude koji će hrabro ponijeti zastavu poboljšanja i napretka. Među njihovim imenima, ona vidi odrasle ljude koji će u budućnosti razvijati ideju pomaganja i suosjećanja i koji će, odgojeni na vrijednostima koje promoviraju sama Fondacija, nastaviti njenu misiju ponosni na činjenicu da su imali priliku i sami uz nju odrastati.

Potpisani ugovori o stipendiranju svake godine predstavljaju još jedan korak naprijed, još jednu ostvarenu želju i još jednu priliku da se osnovnoškolcima i srednjoškolcima osim finansijske pruži i podrška u svakom drugom aspektu njihovog života. S nestrpljenjem iščekujemo njihove uspjehe koje će Fondacija Hastor, kao i uvijek dosada, znati cijeliti i bezuslovno podržati.



NAJZNAČAJNIJI DOGOVORI

Potpisani ugovori o stipendiranju sa studentima



Potpisavši s novim i produživši ugovore sa starim stipendistica-
ma i stipendistima studentima 21. i 22. decembra 2020. godine,
Fondacija Hastor je pokazala da decembar ne mora uvijek biti
kraj te da ponekad može biti i početak neke dobre i lijepe priče.
Tim činom, Fondacija je punom snagom nastavila s afirmacijom
svoga rada, imajući za cilj kreiranje mjesta i svijeta u kojem će
planirana brojka od 505 studentica i studenata imati priliku da
uči te kroz volontiranja i druge aktivnosti stječe različita znanja
i iskustva. Ova godina je za sve nas bila iznenađenje, borba, ali i
prilika da pokažemo kako, ukoliko ga dovoljno želimo, na putu
ka uspjehu ne postoje nepremostive prepreke. Uz poštivanje
svih epidemioloških mjera, potpisivanje ugovora sa studenti-
cama i studentima obavljeno je u prostorijama ASA Preventa,
gdje se za stare stipendiste nastavio dosadašnji put, a za nove
ovo je bio simboličan početak jedne divne i zasigurno uspješne
pustolovine u okvirima Fondacije Hastor. Obnavljanje starih i
potpsivanje novih ugovora podsjetnik nam je da gradimo jednu
nesvakidašnju priču o mladim ljudima koji hrabro koračaju ka
svojim ciljevima, a mi smo tu da njihove ciljeve podržimo. Broj-
ka od ukupno 2207 mladih ljudi koju smo postigli u ovoj godini
svjedoči da je ova priča, koja se počela pričati prije 14 godina,
uistinu dobra i vrijedna, jer jedino se dobre priče iz godine u
godinu čuvaju i prenose kao plemenite i dragocjene. Nbroje-
no puta dosad smo se uvjerali da nijedan potpisani ugovor nije

bio samo trag na papiru - to je simbolika stupanja u četu
hrabrih i odvažnih ljudi koji svojom mladošću, snagom, in-
teligencijom, trudom i zalaganjem mijenjaju svoje lokalne
zajednice a samim tim i ovu zemlju. Usljed pandemije virusa
COVID-19, naši stipendisti su na svakojake načine pokazivali
humanost i odgovornost koja ih odlikuje. Svi oni se, potpisiv-
anjem ugovora, obavezuju da će koristiti svojoj zajednici što
im nije teret nego čisto zadovoljstvo o kojem smo puno puta
dosad donosili priče, priče u kojima mladi ljudi, volontirajući u
svojim zajednicama, pomažu svojim sugrađanima, usrećujući
ih i gradeći bolju budućnost za nove generacije. Činjenica da
svake godine od nas odlaze stipendisti nas ne rastužuje, čak
štaviše, ponosni smo jer znamo da su te samouvjerene i hrabre
ptice godinama rasle u našem gnijezdu, učeći i sebe i druge
kako se zalaganje, trud te ulaganje u samoga sebe uvijek is-
plati. S ponosom im poželimo sreću sigurni da nikada neće
posustati na svome putu ka uspjesima i da će njihovi ciljevi
odisati plemenitošću i izrazitom empatijom. Ono što je poseb-
no važno za istaknuti jeste činjenica da studentice i studenti
koji su članovi Fondacije Hastor godinama dobijaju laskave ti-
tule najboljih studenata na svojim univerzitetima zbog čega
smo izrazito ponosni, jer obrazovanje je oduvijek bilo izbor po-
bjednika. Uspjeh mladih ljudi naša je inspiracija da nastavimo
pisati svoju priču, umnožavajući fond glavnih uloga ove, ali i
svake naredne godine.

PROJEKTI

Projekat IDEAL – Ministarstvo za obrazovanje, nauku, kulturu i sport Bosansko-podrinjskog kantona Goražde usvojilo je Program usavršavanja odraslih za zanimanje prerađivač plastičnih masa

Ministarstvo za obrazovanje, nauku, kulturu i sport Bosansko-podrinjskog kantona Goražde usvojilo je Program usavršavanja odraslih za zanimanje prerađivač plastičnih masa. Zahvaljujući usvajanju ovog programa osobe sa završenom srednjom školom i navršених 18 godina života dobit će priliku da se obuče za zanimanje koje je perspektivno i veoma traženo na tržištu rada.

Cilj programa je obučiti odrasle za uspješno i kvalitetno obavljanje poslova u zanimanju prerađivač plastičnih masa u skladu s potrebama tržišta rada te povećanje njihove mogućnosti za zaposlenje. Na izradi programa radio je internacionalni ekspert i lokalna interdisciplinarna grupa sastavljena od predstavnika Ministarstva obrazovanja, Službe za zapošljavanje BPK Goražde, JU SSS „Džemal Bijedić“ Goražde te predstavnici Fondacije Hastor, kompanije Prevent Components d.o.o. Goražde i njemačkog GIZ-a.

Ministar obrazovanja BPK Goražde istakao je kako je saradnja između obrazovnih institucija i kompanija ključna za stvaranje novih radnih mjesta.

Osluškujući potrebe privrede i tržišta rada, Ministarstvo je, u partnerstvu s kompanijom Prevent Components d.o.o. Goražde, Fondacijom Hastor i njemačkim GIZ-om, donijelo Program usavršavanja za zanimanje prerađivač plastičnih masa. U cjelokupan proces izrade ovog programa bili su uključeni svi relevantni akteri. U izradi programa omogućeno je učešće i kompanijama koje zapošljavaju ovaj kadar kako bi se osiguralo da program ispunjava potrebe realnog sektora. Donošenje ovog programa je samo jedna od aktivnosti koju je Ministarstvo realiziralo s partnerima u okviru projekta IDEAL s ciljem uspostavljanja modernog sistema obrazovanja za prerađivače plastike orijentisanog ka tržištu rada, izjavio je ministar za obrazovanje BPK Goražde Arman Bešlija.

Bešlija je dodatno istakao kako će odrasli dobiti priliku za obuku za perspektivno zanimanje te da će se na taj način u budućnosti moći smanjiti stopa nezaposlenosti i odlazak mladih ljudi.

Bešlija je dodatno istakao kako će odrasli dobiti priliku za obuku za perspektivno zanimanje te da će se na taj način u budućnosti moći smanjiti stopa nezaposlenosti i odlazak mladih ljudi.

Direktor Fondacije Hastor Seid Fijuljanin izrazio je posebno zadovoljstvo zbog još jedne uspješno okončane aktivnosti u okviru partnerstva s Ministarstvom obrazovanja, Prevent Componentsa, Fondacije Hastor i njemačkog GIZ-a.

U okviru projekta podržana je izrada standarda za zanimanje prerađivač plastičnih masa te je BiH postala bogatija za jedinstven dokument koji definira sva potrebna znanja i vještine koje određena osoba mora imati kako bi bila sposobna za rad u ovom zanimanju kod različitih poslodavaca u sektoru plastične industrije. Također je podržana izrada najsavremenijeg nastavnog plana i programa u BiH za spomenuto zanimanje, koji je izrađen na osnovu standarda zanimanja i usklađen u cijelosti s potrebama tržišta rada. U skladu s novoizrađenim planom i programom, cijelo jedno odjeljenje učenika je u prethodnoj školskoj godini praktičnu nastavu odradilo u privrednim subjektima. Sada smo odlučili napraviti korak dalje u smjeru neformalnog obrazovanja što je izrodilo Programom usavršavanja odraslih za zanimanje prerađivač plastičnih masa, koji je usvojen od strane Ministarstva obrazovanja. Industrija plastike je vrlo jak i brzorastući sektor u BiH kojem nedostaju kvalificirani radnici. Novi nastavni planovi i programi i saradnja između obrazovnih institucija i kompanija, a time i bolja kvalificiranost radnika i učenika su od ogromnog značaja za Prevent i druge kompanije u ovom sektoru kako bi zadovoljili svoju buduću potražnju za kvalificiranim radnicima, istakao je Fijuljanin.

Kompanija Prevent Components d.o.o. Goražde, Fondacija Hastor i GIZ implementiraju projekt IDEAL – Pобољшanje i razvoj obrazovnog sistema za plastičare u Bosni i Hercegovini. Razvojno partnerstvo s Prevent Components d.o.o. Goražde je dio programa develoPPP.de koji GIZ sprovodi u ime Ministarstva za ekonomsku saradnju i razvoj Savezne Republike Njemačke (BMZ).

PROJEKTI

U Projekat IDEAL - Finalnom konferencijom u Goraždu obilježen kraj implementacije projekta

Trogodišnje razvojno partnerstvo Fondacije Hastor, društva Prevent Components d.o.o. Goražde i Deutsche Gesellschaft für Internationale Zusammenarbeit (GIZ) GmbH u okviru programa develoPPP.de započeto 2018. godine rezultiralo je implementacijom projekta IDEAL – Poboljšanje i razvoj obrazovnog sistema za plastičare u Bosni i Hercegovini.

Vođeni glavnim ciljem i misijom usmjerenom ka poboljšanju kvaliteta stručnog obrazovanja za zanimanje plastičar, kako bi se za potrebe kompanija iz sektora plastične industrije u BiH stvorio stručni kadar za rad na najsavremenijim mašinama, spomenuti partneri uspješno su okončali projekt IDEAL finalnom konferencijom održanom 14. septembra 2021. godine u Goraždu.

Konferenciju je otvorio direktor Fondacije Hastor Seid Fijuljanin prezentacijom sjajnih rezultata, najvažnijih postignuća i indikatora uspjeha do kojeg je došlo zahvaljujući zajedničkom radu i konzistentnom ulaganju u cilju prevazilaženja sve izraženijeg problema nedostatka usklađenosti ponude i potražnje na tržištu rada.

Od samog početka ovog projekta i ideja koje smo imali pri njegovom osmišljavanju te vremena kada smo razgovarali s partnerima, znali smo da sastavljamo, a onda i da činimo nešto veoma ambiciozno. Bilo je puno izazova i poteškoća koje smo prevazišli zahvaljujući ličnim i organizacijskim kapacitetima. Na kraju smo pokazali snagu u postizanju napretka na veoma bitnom polju života u Bosni i Hercegovini, a to je stručno obrazovanje, istakao je gosp. Fijuljanin.

Isabel Rapp, projekt-menadžerica projekta „Stručno obrazovanje u BiH“ istakla je kako je saradnja između obrazovnih institucija i privatnog sektora ključna za stvaranje novih radnih mjesta.

Ideju za projekt IDEAL iznjedrio je privatni sektor usljed vapaja za kvalifikovanom radnom snagom. Prevent Components i Fondacija Hastor učinili su prve korake ka prevazilaženju tog izazova kada su započeli razvojno partnerstvo. Razvojno partnerstvo s Prevent Components d.o.o. Goražde i Fondacijom Hastor dio je programa develoPPP.de koji GIZ sprovodi u ime Ministarstva za ekonomsku saradnju i razvoj Savezne Republike Njemačke (BMZ). Kao rezultat saradnje između Prevent Components d.o.o. Goražde, Fondacije Hastor, Agencije za predškolsko, osnovno i srednje obrazovanje, Ministarstva obrazovanja i Pedagoškog zavoda Bosansko-podrinjskog kantona Goražde, JU Srednje stručne škole „Džemal Bijedić“ Goražde i GIZ-a razvijen je moderan obrazovni sistem za prerađivače plastike u skladu s potrebama privatnog sektora u BiH.

O značaju učešća obrazovnih institucija u okviru projekta IDEAL direktor Pedagoškog zavoda Bosansko-podrinjskog kantona Goražde Admir Kurtović je istakao:

Priča o zanimanju plastičara krenula je mnogo ranije negoli sam projekt, tj. krenula je otvaranjem kompanija kao što su Prevent i druge koje su imale potrebe za tim kadrom. Do pojave projekta IDEAL, mi smo radili improvizaciju zbog nedostatka resursa i ljudi koji su mogli da to rade. Uključivanjem u projekt IDEAL uspjeli smo da povežemo sve niti i zaista je ova priča pokazala da simbiozom i zajedničkim učešćem privatnog i obrazovnog sektora možemo imati kvalitetnu priču koja predstavlja svijetao primjer kada je u pitanju obrazovni sistem Bosne i Hercegovine.



PROJEKTI



Bosna i Hercegovina je kroz projekt IDEAL postala bogatija za standard zanimanja za prerađivače plastičnih masa koji je usvojila državna agencija APOSO, a u čijoj izradi je učestvovalo čak 12 kompanija iz oblasti industrija plastike iz svih dijelova države. Uz to, podržana je izrada nastavnog plana i programa za zanimanje prerađivač plastičnih masa koji je usvojen i uspješno sproveden u Srednjoj stručnoj školi „Džemal Bijedić“ Goražde, jedinoj školi u Bosni i Hercegovini koja nudi obrazovanje za ovo zanimanje.

U ovom projektu smo svi disali istim plućima što znači da su privreda, nevladin sektor, škola, Ministarstvo, učenici i roditelji koji su imali razumijevanja za ovo uspjeli postići ovakav uspjeh. Kada se radi zajednički, pogotovo u malim sredinama kao što je BPK, dobri rezultati su zagarantovani. Možemo reći da je ovo izuzetno uspješan projekt, na šta sam ponosan kao direktor škole jer učenici imaju sigurno radno mjesto nakon završetka školovanja i sprovođenja praktične nastave u okviru dualnog obrazovanja, kazao je direktor SSŠ „Džemal Bijedić“ u Goraždu.

O značaju sprovedenih aktivnosti u okviru projekta govori i činjenica

da su srušeni brojni stereotipi o ovom zanimanju, što je rezultiralo upisom druge generacije plastičara s čak 53% upisanih djevojčica i dokazom kako je distinkcija u smislu postojanja ženskih i muških zanimanja neopravdana i suvišna. Učenici su, zahvaljujući projektu IDEAL, stekli pozitivna i vrijedna iskustva te ističu kako izbor ovog zanimanja za njih predstavlja korak ka svijetloj budućnosti i veliku mogućnost za pronalazak posla.

Indikator uspješnosti projekta na koji su organizatori posebno ponosni jeste činjenica da je učenicima već u samim počecima školovanja omogućeno da iz školskih klupa uskoče u radna odijela kroz praktičnu nastavu u kompanijama gdje su stekli kompetencije koje mogu koristiti direktno na tržištu rada, ali i zaraditi prve džeparce.

Konferencija je realizovana kroz panel diskusije s predstavnicima obrazovnih institucija, privrednih subjekata i učenicima SSŠ „Džemal Bijedić“ Goražde, a svim partnerima projekta su dodijeljene zahvalnice za IDEALne partnere projekta koji su svojim učešćem doprinijeli da rezultati ovog projekta budu vrijedni prezentacije i na širem bosanskohercegovačkom prostoru.



FILANTROPIJA

U okviru programa „Pravni okvir za filantropiju“ predstavljena ideja uspostavljanja Filantropskog foruma.

U okviru programa „Pravni okvir za filantropiju“ u četvrtak, 3.6.2021. organizovan je događaj na kojem je predstavljena ideja uspostavljanja Filantropskog foruma.

Događaj o Filantropskom forumu otvorio je Peter Cronin, direktor USAID Ureda za demokratizaciju, a skupu se obratila i Danijela Alilović, voditeljica Odjela za razvojni marketing u kompaniji „Violeta“, u ime gospodina Petra Ćorluke, vlasnika i direktora kompanije „Violeta“, kompanije prepoznatljive upravo po svojoj filantropskoj korporativnoj kulturi.

Korisna razmjena praksi, iskustava te preporuka desila se tokom panela na kojem su učestvovali: Sedin Kahriman, generalni direktor „BH Telecoma“, Tatjana Vučić, izvršna direktorica „BIT Alijanse“, Suhad Ećo, vlasnik i član Upravnog odbora firme „Inside by Ećo“, i Milica Kondić, portparol kompanije „m.tel“. Razgovor je moderirala Vesna Bajšanski-Agić, izvršna direktorica Fondacije Mozaik.

Kuriozitet ovog panela je da su ozbiljni konkurenti na tržištu sjeli za jedan sto u i ideji osnivanja Filantropskog foruma definišu se kao partneri. Nakon panel-diskusije Seid Fijuljanin, direktor Fondacije Hastor, predstavio je ideju Filantropskog foruma. Naglašeno je da će uspostava Filantropskog foruma doprinijeti bržem iznalaženju sistemskih rješenja do kojih je moguće doći jedino ako svi akteri ujedine resurse i zajednički rade na uklanjanju postojećih zakonodavnih i institucionalnih prepreka. Rečeno je i da će Filantropski forum u Bosni i Hercegovini biti neformalna platforma za korporacije i fondacije, ali i pojedince koji ulažu u bolje društvo i omogućio bi, s jedne strane, filantropskoj zajednici da ima više povjerenja u sam proces davanja i time izdvaja više sredstava, a s druge strane, omogućio bi i primaocima filantropskih davanja bolji kvalitet života i dugoročnu podršku.



Događaju su prisustvovali predstavnici i predstavnice kompanija koji su iskazali svoj interes za osnivanje Filantropskog foruma. Na kraju događaja svi prisutni su pristupili potpisivanju Memoranduma o uspostavljanju neformalnog Filantropskog foruma.

Ponosni smo što je Fondacija Hastor, zajedno s drugim partnerima koji rade na filantropskom razvoju u BiH (Mreža za izgradnju mira/ Network for Building Peace, Udruženje „Pomozi.ba“) i u Srbiji (Trag fondacija i Catalyst Balkans), dijelom ovog projekta kojeg sprovodi Fondacija Mozaik uz podršku USAID Bosnia and Herzegovina.

FILANTROPIJA

Stanje i budućnost filantropije: predstavljanje Filantropskog foruma u Bosni i Hercegovini

U okviru programa Pravni okvir za filantropiju 3.11.2021. godine je u Hotelu Hills u Sarajevu održan radni sastanak poslovnog sektora s ciljem predstavljanja vizije, misije i ciljeva Filantropskog foruma u Bosni i Hercegovini te razmjene mišljenja i ideja s predstavnicima društveno odgovornih kompanija, fondacija i sličnih organizacija. Radnom sastanku je prethodila Osnivačka skupština Filantropskog foruma u Bosni i Hercegovini, gdje je imenovan Upravni odbor na čelu s predsjednikom Seidom Fijuljaninom (Fondacija Hastor) i članovima: Zoran Puljić (Fondacija Mozaik), Elvir Karalić (Pomozi.ba), Hajdi Mostić (Telemach d.o.o.) i Nina Kremenović (Lanaco d.o.o.). Izvršnom direktoricom Filantropskog foruma imenovana je Tatjana Vučić.

Prisutnima se na početku obratio Zoran Puljić, direktor Fondacije Mozaik i član Upravnog odbora Filantropskog foruma u Bosni i Hercegovini, kazavši kako se radi o događaju za dobrobit cijele Bosne i Hercegovine.

Filantropija u nekom neoliberalnom konceptu kaže da je to ono što radimo kada tržišta i država ne uspije da riješi sve probleme ovog društva i onda se mi kao pojedinci i kompanije uključujemo da popravimo neke zaostale probleme, objasnio je Puljić na samom otvaranju Forumu.

Seid Fijuljanin, predsjednik Upravnog odbora Filantropskog foruma naglasio je da su sve one kompanije koje su prisutne na polju filantropije i koje se istinski bave onim što zastupaju dobrodošle da se priključe Forumu te je dodao da se nada da će do kraja prve godine rada Filantropskog foruma porasti broj kompanija koje će im se pridružiti u njihovom djelovanju i pomaganju drugima.

Jedna posebna tema i dio strategije će biti upravo o budućim članovima Filantropskog foruma, selekcija članova će biti vrlo precizna, ali jednostavna, gdje će moći učestvovati svi oni koji istinski žele da pomognu i konkretno i precizno doprinesu Forumu, poručio je Fijuljanin.

O aktivnostima i planovima za budućnost govorila je Tatjana Vučić, izvršna direktorica Filantropskog foruma u Bosni i Hercegovini:

Prvi koraci će biti okupljanje članica u sva tri stuba filantropskog foruma, podizanja nivoa razmišljanja o ovom projektu, zatim promocija filantropije, pokušaji izmjena u pravnim okvirima za filantropiju, umrežavanje istinskih filantropa s onima kojima je pomoć potrebna, jer nam je cilj da imamo što više partnera i budemo katalizator između svih onih koji daju s onima kojima je pomoć potrebna.

Ideja o osnivanju Filantropskog foruma u Bosni i Hercegovini javila se još odavno, a ogleda se upravo u udruživanju za opće dobro. Ključna aktivnost Forumu bit će poboljšanje pravnog i političkog okruženja i pronalaženje inovativnih načina za promociju filantropije u zajednici te stimuliranje i omogućavanje rasta domaćeg ekosistema darivanja u Bosni i Hercegovini. Istaknuto je kako će Forum biti otvoren za sudionike koji se žele pridružiti i podržati lokalnu filantropiju u Bosni i Hercegovini, a bit će aktivan upravo kroz svoje članove.



**NAJZNAČAJNIJI USPIJESI STIPENDISTA U TEKUĆOJ
ŠKOLSKOJ/AKADEMSKOJ GODINI**


NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Treće mjesto za Nejlju Komar na „Samnium“ takmičenju

Stipendisti Fondacije Hastor se svakodnevno susreću s mnogobrojnim izazovima koji im nude priliku za iskazivanje vlastitih sposobnosti i mogućnosti. Izazovi se javljaju u vidu fakultetskih obaveza, vannastavnih aktivnosti, volonterskih aktivnosti s mladim stipendistima kao i volonterskih angažmana u lokalnim zajednicama. Često su upravo naši stipendisti inicijatori promjena tako što pomjeraju vlastite granice i uvijek čine korak više. U nastavku s ponosom predstavljamo našu stipendisticu Nejlju Komar, studenticu četvrte godine na Muzičkoj akademiji u Sarajevu, i njeno zasluženno treće mjesto na takmičenju „Samnium“.

U toku ljetnog perioda naša stipendistica se prijavila na audiciju za učešće u simfonijskom orkestru „Samnium“, koji djeluje u sklopu „Samnium“ Univerziteta iz Beča. Upravo ovaj orkestar predstavlja jedan od najznačajnijih svjetskih centara umjetničke muzike. Međunarodni univerzitet za muziku „Samnium“ je dio umjetničkog i obrazovnog programa International Orchestra Auditions Awards, a „Samnium“ želi pripremiti umjetnike, bez dobnog ograničenja, koji dolaze iz cijelog svijeta za zvanje muzičara.

Bilo je uzbudljivo iskustvo i definitivno vjetar u leđa za ponovni izlazak na ovo i slična takmičenja u budućnosti. Ovogodišnje međunarodno takmičenje je zbog cjelokupne situacije s pandemijom COVID-19 održano online. Žiri sastavljen od stručnjaka i nadarenih međunarodno poznatih majstora imao je priliku da odabere najbolje muzičare iz cijelog svijeta koji će biti dijelom orkestra „Samnium“, slijedeći program specifičnog obrazovanja koje uključuje druge univerzitet i umjetnička/muzička udruženja širom svijeta. Važan dio projekta predstavlja mogućnost da se umjetnički rad izrazi kroz predstave u najvažnijim evropskim teatrima, uključujući teatar Musikverein u Beču.



NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Naša stipendistica je u ovom takmičenju prepoznala svoju priliku, što je rezultiralo visokim trećim mjestom: *Odlučila sam pristupiti audiciji te sam početkom septembra saznala da sam prošla prvi krug takmičenja, no, tek nakon toga je uslijedilo pravo uzbuđenje i pripreme za finalni krug. Dostavljen nam je materijal koji smo trebali sami obraditi i spremi te poslati u datom roku komisiji. Bilo je neobično i teže raditi to sve online, a ne uživo, jer muzika živi u momentu. Iako samo prvo i drugo mjesto podrazumijevaju odlazak u Beč i saradnju s Univerzitetom „Samnium“ i njihovim orkestrom, ponosna sam da sam se u prvom dodiru s ovako značajnim takmičenjem, gdje je bilo preko 60 država učesnica, uspjela plasirati na treće mjesto.*

Nejla je dosad imala priliku da učestvuje na mnogim domaćim i međunarodnim koncertima i projektima kao što su otvaranje obnovljene sarajevske Vijećnice, „Sarajevska zima“, promocije knjiga, izložbe, a imala je čast i prirediti nekoliko humanitarnih koncerata u Mostaru i Sarajevu. Stipendistica Fondacije Hastor je već treću godinu, gdje se ističe stalnom spremnošću za rad, kreativnošću i snalažljivošću u svim zadacima koji se nađu pred njom.

Otkad sam postala dijelom Fondacije, moja su se životna iskustva gradila na potpuno sigurnim i čvrstim temeljima. Kada znate da je neko uvijek iza vas na načine na koji Fondacija to jeste, nemate straha kročiti i rizikovati, izaći iz svoje komforne zone i time nizati uspjehe. Sve nas veže zajednička ideologija, moralni principi i uvjerenja, rad i disciplina koji nas grade i čine dostojnim i društveno odgovornim članovima naših zajednica. Zahvalna sam na vrijednostima koje su usadili u nas, ali i svakom momentu provedenom u kontekstu Fondacije – volonterskim sastancima, mjesečnim sastancima i druženjima koja su se izrodila upravo iz istih. Biti dio ove porodice je zaista posebna odgovornost i čast!



NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Ahmed Bandić – titula prvaka Bosne i Hercegovine na 1500 metara u atletici



Ponekad dođe vrijeme da se oči u oči nađemo s onim o čemu nismo mogli ni maštati i da baš to nešto bude avantura za cijeli život. Kroz priče o našim stipendistima puno puta smo se uvjerali da je suočavanje s nepoznatim svjetovima i strahovima prvi korak ka izvanrednim uspjesima. Da Alisa, uprkos svome strahu, nije ušla u svoju zemlju s čudesima, nikada ne bi postala hrabra junakinja niti bi saznala kakva se to čuda kriju u nepoznatim svjetovima. U jedan takav nepoznati svijet kročio je i naš stipendista Ahmed Bandić, čiju priču ovoga puta i donosimo.

Ahmed je učenik 9. razreda Osnovne škole „6. mart“ u Hadžićima i već tri godine je u odredima uzornih i odličnih stipendista Fondacije Hastor. Onako kako u školi postiže zavidne rezultate, Ahmed se ističe i u sportu kojim se bavi unazad pet godina – atletici. Atletika je, kako kaže, za njega bila nepoznat svijet o kojem je slušao usput ili gotovo nikako i ističe kako nikada nije mogao ni slutiti da će upravo ovaj sport dobiti važno mjesto u njegovom životu te ga na određeni način i usmjeriti dalje. Zahvaljujući svakodnevnim treninzima i napornom radu Ahmed je stekao titulu prvaka Bosne i Hercegovine na 1500 metara, što je svakako izuzetan i zavidan uspjeh.

Atletika kao sport za mene je bila nešto nepoznato te sam se odlučio okušati u tome. Na atletici su me prvenstveno zadržali dobri treninzi moga trenera Muhameda Fisovića te jako pozitivna atmosfera i dobro društvo. Nije mi trebalo puno vremena da zavolim ovaj sport pa sam se kasnije svakodnevno trudio da napredujem. Ovih 5 godina, koliko treniram, ostavilo je veliki utjecaj na moju ličnost i ciljeve, ali mislim da tek sada dolazi vrijeme za najveći trud kako bih opravdao titulu prvaka BiH.

Ahmedov takmičarski duh značajno je doprinio tome da zavoli upravo atletiku te da svoje uspjehe neprestano niže u okviru ovoga sporta. Ističe kako je još od malih nogu bio radoznao i da je volio otkrivati nove i drugačije stvari koje nisu uobičajene i na koje nije navikao te upravo tu sklonost smatra možda i glavnim razlogom zbog kojeg je odlučio baviti se atletikom.

Laskava titula aktuelnog prvaka Bosne i Hercegovine u disciplini na 1500 metara svakako nije jedini Ahmedov uspjeh, ali zasigurno nije ni onaj na kojem planira ostati. Fondacija Hastor ima jedan manir koji je vrijedan i rijedak – u njoj se iz dana u dan razvijaju mladi ljudi s različitim ambicijama i svi oni svoje želje i uspjehe ostvaruju upravo pod njenom zastavom pa je tako i u Ahmedovom slučaju.

Fondacija Hastor je za mene velika podrška i ima veliku ulogu u mojoj sportskoj priči jer mi stipendija pomaže u samom prikupljanju neophodne sportske opreme, a kao velika mentalna podrška stoje moji mentori i grupa s kojom volontiram. Ostalim mladim ljudima bih poručio da se trude da budu najbolji u onome što rade, jer će tako najbolje predstavljati sebe, a i našu Fondaciju. Ja im na tom putu želim puno sreće.

Ahmed svojim putem već odavno hrabro korača i ne sumnjamo da će tako biti i u budućnosti. On je jedan od onih mladih ljudi koji se nisu plašili napraviti velike korake u nepoznati svijet koji je u sebi krio nove i neispričane priče. Na taj način su Ahmed i svi ostali koji su načinili takav korak postali primjer kako svako od nas piše svoju unikatnu priču i da se neprestano trebamo truditi da doista bude naša – drugačija od svih drugih već ispričanih.

NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Prvo mjesto za Abelu Rastoder i njen tim u simuliranom suđenju pred Evropskim sudom za ljudska prava



Da porodicu Fondacije Hastor čine najuspješniji učenici i studenti, potvrđuje nam i primjer naše nove stipendistice Abele Rastoder koja dolazi iz Sarajeva. Abela je trenutno studentica druge godine Pravnog fakulteta Univerziteta u Sarajevu s prosječnom ocjenom 10.0.


U novembru i decembru 2020. godine pohađala je Kliniku iz međunarodnog i evropskog prava ljudskih prava (extracurricular program) te je sa svojim timom osvojila prvo mjesto u simuliranom suđenju pred Evropskim sudom za ljudska prava. Klinika iz međunarodnog i evropskog prava ljudskih prava u organizaciji „ELSA“ Sarajevo, Pravnog fakulteta u Sarajevu i Fondacije „Konrad Adenauer“ tradicionalno se održava već nekoliko godina.

Nakon održanih predavanja za polaznike Klinike, studente pravnih fakulteta u Bosni i Hercegovini, pristupili smo pripremi pisanih podnesaka i dvodnevnom takmičenju u simuliranom suđenju pred Evropskim sudom za ljudska prava. Iako je ovogodišnja Klinika održana u online režimu, to nije umanjilo njen kvalitet.

Takmičenje pred Sudom u prestižnom sastavu i osvojeno prvo mjesto svakako je kruna uloženog truda i zalaganja, ali intenzivna dvomjesečna priprema za isto je neprocjenjivo iskustvo koje je uključivalo usvajanje novih teorijskih i praktičnih znanja, rad na hipotetičkom slučaju pred Sudom te interakciju i koordinaciju s kolegama i mentorom, navodi Abela.

Kroz dosadašnje školovanje Abela je osvajala nagrade na takmičenjima iz stranih jezika, u kreativnom pisanju, ali i muzičkim i sportskim takmičenjima. Posebno ističe priznanje Matice hrvatske u Sarajevu za njen literarni rad. Abelin hobi, koji se ogleda u ljubavi prema stranim jezicima i književnosti, jeste ujedno i jedan od segmenata u koje, pored pravnčkog obrazovanja, nastoji ulagati pa tako tečno govori čak četiri strana jezika (francuski, engleski, njemački i španski), a trenutno uči i italijanski jezik. Aktivna je pri nevladinim organizacijama, polaznica je različitih seminara i edukacija i trenutno priprema radionicu za srednjoškolce, podržanu od strane Vijeća Evrope i Delegacije Evropske unije.

NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI



Altruizam u meni prepoznaje, cijeni i podržava vrijednost volonterizma koji Fondacija Hastor pruža. Aktivnostima tog karaktera postajem koristan član zajednice, pomažem drugima, ali iste su do sada i meni pomogle u osnaživanju ličnosti, umrežavanju s različitim ljudima i stjecanju iskustva u brojnim spektrima.

Abelin volonterski angažman posebno je usmjeren na unapređivanje socijalizacije djece oštećenog sluha te je tri godine djelovala u okviru Sportskog udruženja gluhih „Mladost” i doprinijela organiziranju „Male olimpijade” pri obilježavanju Dječije nedjelje.

Ponosno ističem da sam za ovo kratko vrijeme sklopila divna prijateljstva, razvila vještine kroz rad s djecom, angažman u lokalnoj zajednici i aktivnosti u prevodilačkom timu Fondacije. Fondacija Hastor je mjesto koje mi je pružilo sve ono pozitivno što sam godinama parcijalno tražila u okruženju. Neizmjerena je čast biti stipendistica Fondacije te sam beskrajno zahvalna na pruženoj prilici. Nastojat ću opravdati povjerenje i dokazati da je obrazovanje uistinu izbor pobjednika!

NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Zlatna medalja za hor pod dirigentskom palicom Aleka Isakovića

Uspjesi stipendista Fondacije Hastor se prepoznaju i vrednuju kako u okviru državnih granica tako i na međunarodnom nivou. Pored toga, ostaju zapaženi gdje god se pojave, bilo kao личности ili kao nosioci svoje profesije. Ovoga puta donosimo priču o Aleku Isakoviću.

Alek je rođen 1998. godine u Sarajevu. Trenutno je student II ciklusa studija Muzičke akademije Univerziteta u Sarajevu na Odsjeku za dirigovanje. Prvi ciklus studija na spomenutom odsjeku je zaključio najvišom ocjenom zahvaljujući čemu je postao dobitnik priznanja Zlatna značka Univerziteta u Sarajevu kao jedan od najboljih studenata prvog ciklusa studija.

Uz redovne nastavne obaveze koje ima, od oktobra 2019. godine obavlja funkciju studenta demonstratora na Odsjeku za dirigovanje. Kao dirigent nastupao je sa Sarajevskom filharmonijom, Horom i Orkestrom Muzičke akademije u Sarajevu, Sarajevskim kamernim omladinskim orkestrom te Mešanim pevskim zborom „Camerata Slovenica“ čiji je umjetnički direktor i dirigent od marta 2019. godine.

Tokom školovanja učestvovao je na takmičenjima učenika i studenata muzike Federacije Bosne i Hercegovine na kojima je osvojio šest nagrada. Na Prvom međunarodnom seminaru za slovenačke horove i voditelje slovenačkih horova našao se u ulozi organizatora i predavača. Alek se bavi i istraživanjem i pisanjem na području dirigentske analize i muzikologije. Rezultat toga je objavljen rad u studentskom časopisu „Modus musicus“, a drugi bi trebao biti objavljen u narednom izdanju. O tome kako je sa svojim horom osvojio zlatnu medalju Alek kaže:

Kao dirigent MePZ „Camerata Slovenica“ dobio sam pozivnicu za učešće od Organizacionog odbora 20. horskog festivala „Majske muzičke svečanosti“ u Bijeljini. S obzirom na to da okupljanja većeg broja ljudi nisu dozvoljena, stoga ni horsko takmičenje, gdje bi se nalazilo mnoštvo horova na jednom mjestu, nije bilo moguće održati uživo kao prethodnih godina. Iz tih razloga su se prijave slale u vidu snimaka nastalih u periodu od prošle do tekuće godine, a koji odgovaraju propozicijama za određenu kategoriju. Stručni žiri je odlučio da naš hor u kategoriji Kamerni mješoviti horovi osvoji zlatnu medalju s 92 boda. Hor je i na prošlogodišnjem izdanju Festivala u istoj kategoriji osvojio zlatnu medalju.

Našeg dirigenta pandemija nije zaustavila da pređe granice. Naišao je na otvorene prijave za Međunarodno takmičenje dirigenta „Lányi“. Podrazumijevalo je dvije etape koje su ukupno trajale dva mjeseca. U prvoj je bilo prijavljeno skoro 300 dirigenta, a Alek se našao u finalu.

Fondacija Hastor za Aleka predstavlja veliku podršku:

Lijepo je znati da ste dio porodice koja stoji iza vas i zalaže se za vas na bilo koji mogući način. Otkako sam dio Fondacije, ne vjerujem više u priče da naše društvo ne oprašta uspjeh te da ne treba iskazivati svoje uspjehe, naprotiv, treba se truditi i što više izlaziti iz svoje komfor-zone te ponosno isticati svoje uspjehe, ali samo ako su stečeni poštenim i vrijednim radom i trudom. Naravno da je svakoj fondaciji cilj da ima što bolje i uspješnije stipendiste, ali razlika naše Fondacije Hastor u odnosu na druge je to što nas podstiče na uspjehe zbog nas samih, a ne njihove promocije. Prije svega, podstiče nas da budemo što bolji ljudi, moralni i poštenu, potom i aktivni članovi društvene zajednice te da posjedujemo što veće znanje i iskustva kako bismo bili najbolji stručnjaci u svojoj profesiji.



NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Hajrija Pleh – pobjednica SAMED-a i budući oftamolog

Pandemija koronavirusa je u prethodnom periodu donijela velike izazove. Zdravstveni radnici naše države su u punom kapacitetu radili sve ovo vrijeme i na tome im trebamo biti zahvalni. U situacijama poput ove je dobrodošla svaka vrsta pomoći te je jedna od naših stipendistica, baš kako nas to Fondacija i uči, pružila ruku pomoći. Kao buduća doktorica prijavila se za volonterski rad u zdravstvenim ustanovama u Sarajevu čime je pomogla pacijentima, ali i osoblju.

Hajrija Pleh je studentica Medicinskog fakulteta u Sarajevu. Vrijedi izdvojiti prosjek njenih ocjena koji iznosi 8.90, a dobitnica je i mnogih nagrada i priznanja. Od svega što je postigla kroz studij, najradije izdvaja svoje iskustvo s razmjenom studenata. Hajrija je boravila u Grčkoj na Odjelu za oftalmologiju i optometriju u sklopu univerzitetske bolnice. Tu je usvojila osnovne vještine oftalmološkog pregleda i dijagnostike kao i menadžmenta hitnih oftalmoloških stanja.

Dva mjeseca je volontirala u okviru zdravstvenih ustanova u Sarajevu, radeći kao ispomoć na trijažnom punktu, primanju telefonskih poziva i savjetovanju pacijenata zaraženih koronavirusom. Pored toga, asistirala je ljekarima prilikom pregleda pacijenata.

Na svome putu ka uspjehu kao velikog prijatelja vidi Fondaciju Hastor te o njoj kaže sljedeće:

Fondacija je ostavila jedan neizbrisiv trag u mom životu. Od početka srednje škole dio sam ove porodice. Pritekli su mi u pomoć onda kad mi je bilo najteže, a ja se nadam da ću to isto moći da uradim sutra za druge, da ću imati tu privilegiju da budem dio kruga ljudi koji čine ovaj svijet boljim mjestom, gdje osmijeh, a ne komad papira, predstavlja istinsko bogatstvo. Naučila sam mnogo ovdje – kako biti dobar čovjek, kako pokazati empatiju, kako pružiti ruku ljudima te kako ostati i opstati kad je najteže. Sanjam i radim. Na čemu? Da budem sretna žena, da budem izvrstan oftamolog, da budem osoba koju poštuju, da budem dobra majka, supruga, sestra, kćerka, da iskoristim sve najdivnije što život nudi i da ostanem hrabra i istrajna u vremenima kad mi život pruža ono najgore. S vjerom u Boga i s puno nade i entuzijazma nastavljam da živim idući u susret budućnosti koja me čeka.

Kao jedan od najvećih uspjeha izdvaja projekt koji je radila u saradnji s doktorima iz Grčke. Svake se godine u Sarajevu održava SAMED – Internacionalni kongres medicinskih studenata u Sarajevu, gdje studenti medicine iz svih krajeva svijeta imaju priliku da prijave svoje projekte. Budući da je oftalmologija uvijek bila dio njenih snova, Hajrija je pokušala pronaći doktora iz Bosne i Hercegovine za saradnju, ali joj nije pošlo za rukom. Odlučila je da se obrati doktorima koje je upoznala na razmjeni studenata u Grčkoj te su oni pristali na ovu saradnju. Pomogli su joj pri izboru same teme koja je interesantna i izazovna u oftalmologiji, a riječ je o sarkoidozi oka. Poslali su joj materijal, a ona je odradila istraživanje. Hajrija je ovaj projekt prezentirala profesorima te uspjela biti najbolja u svojoj kategoriji. Rad naše stipendistice proglašen je najboljim od strane medicinskog časopisa „Flumiensis“ Medicinskog fakulteta Sveučilišta u Rijeci.

Želim da poručim mladim ljudima da sanjaju, vjeruju u svoje snove i rade više od bilo koga drugog u svojoj okolini kako bi učinili da ti snovi postanu stvarnost, da ne obraćaju pažnju na negativne ljude, da drže fokus na vlastitom putu ka uspjehu i da ne staju, NIKAD, bez obzira na prepreke. Zašto? Jer pobjednici nikad ne odustaju, od sebe pogotovo nikad ne dižu ruke. Želim da poručim mladim djevojkama da grade sebe, da usmjere svu svoju snagu na to da od sebe naprave samostalnu, sposobnu, odlučnu ženu koja zna šta hoće, koja je sretna i zadovoljna u društvu u kojem živi i kojoj ljudi koje pušta u život služe kao nadogradnja sreći, a ne njen uzrok. Jedina stvar bez koje se ne može smo mi sami, zato je bitno da čuvamo, poštujemo, cijenimo i volimo svoje biće i ono što istinski jesmo i da ostanemo vjerni tome u svakom životnom trenutku.

Nabrojati sve Hajrijine uspjehe bio bi težak i dugačak proces. Ona je još jedna osoba zbog koje možemo reći da Fondacija ima sjajne ljude. Svojim nam primjerom pokazuje da promjena kreće od individue. Briga o budućnosti je sve manja, a osobe poput naše Hajrije pokazuju da ima na kome svijet ostati i opstati.

NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Stipendistica Ada Avdagić proglašena olimpijskom nadom Bosne i Hercegovine

Ada Avdagić, učenica IX razreda OŠ „Fatima Gunić“ u Sarajevu i stipendistica Fondacije Hastor, sportašica je koja se nalazi na samom vrhu rang-liste svijeta kada je u pitanju taekwondo – prva je na svjetskoj WTE listi juniorki do 42 kg. Nakon samo jedne godine treniranja, počela je učestvovati na raznim takmičenjima i nizati zavidne uspjehe u svijetu sporta.

Nosio me adrenalin turnira, borbi i onaj osjećaj kada na postolju izgovore moje ime i dodijele mi medalju, kaže Ada, koja je za državnu prvakinju proglašena čak pet puta uzastopno u periodu od 2016. do 2020. godine.

S vremenom, Adi je stigao poziv i za reprezentaciju Bosne i Hercegovine te su se počeli nizati njeni prvi veliki uspjesi na evropskim prvenstvima i na turnirima G klase koji spadaju u najelitnije turnire u taekwondou. Na G1 turnirima osvojila je ukupno 18 medalja, od toga 11 zlatnih, 2 srebrene i 5 bronzanih.


Godine 2018. postala je evropska kadetska klupska prvakinja i osvojila je bronzanu medalju na Evropskom kadetskom prvenstvu. Ada je i 2020. godine nastavila da bude evropska juniorska klupska prvakinja i tada je proglašena za najperspektivniju sportašicu Kantona Sarajevo. Pored ovih titula, 2020. godina donijela joj je i titulu najbolje juniorke Bosne i Hercegovine za 2020. godinu. Sport ima značajnu obrazovnu i odgojnu ulogu u životu djece i mladih jer doprinosi razvoju njihovih tjelesnih, intelektualnih i moralnih obilježja. Bavljenje sportom pruža značajne mogućnosti za socijalizaciju i snalaženje u društvu te kod mladih ljudi može imati pozitivne učinke u prevenciji i smanjenju društveno neprihvatljivih i štetnih navika i oblika ponašanja.

Pored njenih roditelja koji joj daju beskonačnu podršku, velika podrška joj je i trener Ibrahim Kolja za koga kaže da je u velikoj mjeri dao doprinos njenim uspjesima. Neizostavno mjesto u njenom životu ima i Fondacija Hastor.

Fondacija Hastor i stipendija koju dobijam ima posebno mjesto u mom životu jer se osjećam kao dio velike i uspješne porodice, a ujedno je to i moja prva stipendija poslije koje su mi nekako stvari u sportskom životu i afirmaciji išle uzlaznom putanjom. Volim da volontiram sa svojom grupom, da se družimo i da razmjenjujemo različita iskustva. Koliko god je moguće, pokušavam da ne izostajem s naših zajedničkih online sastanaka, osim ako imam neko takmičenje ili dodatne treninge. Nastojim biti aktivan član Hastor porodice jer osjećam da je to moj doprinos i zahvala Fondaciji na ukazanom povjerenju.

Ono čemu naša sportašica teži i što je san svakog sportiste je da u narednih nekoliko godina stekne pravo na olimpijske kvalifikacije i da kroz njih nastupi na Olimpijskim igrama u Parizu 2024. godine. Ada je na odličnom putu jer je od strane Olimpijskog komiteta Bosne i Hercegovine proglašena olimpijskom nadom naše zemlje za Olimpijske igre u Parizu 2024.

Moja poruka za stipendiste bila bi da trebaju vjerovati u svoje snove, da stalno rade na sebi i da budu svjesni da svaki rad i odricanje kad-tad donese rezultate i uspjeh.



NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Zlatna medalja za Imrana Šehovića na džudo takmičenju u Dubrovniku



Naši stipendisti koriste svaku priliku za pozitivno predstavljanje njih samih i Fondacije Hastor. Učešćem na raznim takmičenjima prave sigurnu stazu za uspješno odrastanje.

Desetogodišnji Imran Šehović je učenik četvrtog razreda Osnovne škole „Šejh Muhamed ef. Hadžijamaković“. Sa svojih šest godina počeo je trenirati džudo i kroz period od četiri godine imao je priliku biti učesnik mnogih takmičenja. S ponosom možemo reći da je sa svakog od takmičenja donio zlatnu ili srebrenu medalju. Bio je na takmičenjima od Vogošće, Ilidže preko Tuzle pa sve do Dubrovnika. Prvo takmičenje na koje je Imran otišao van granica domovine bilo je takmičenje u Dubrovniku. Tada je osjećao posebno uzbuđen je zbog pokazivanja znanja stečenog na treninzima pred drugom djecom.

Budući da je nakon vaganja prebačen u kategoriju koju nije očekivao, osjetio je blagi strah. Ipak, uz podršku mame koju Imran često spominje, uspio se izboriti i kući donijeti zlatnu medalju.

Fondacija Hastor mi je bila od velike pomoći na spomenutom, ali i na drugim takmičenjima. Veoma sam sretan što imam priliku da budem dio porodice Fondacije Hastor čiju ću istinsku vrijednost vjerovatno shvatiti tek kada odrastem, a ona je već sada moja velika podrška.

Pravi koraci u djetinjstvu često budu od presudnog značaja za dostizanje malih ciljeva kroz odrastanje, a teško je dostići velike ciljeve ukoliko nam mali nisu dovoljno blizu.

NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI


Uspješan balans između škole i sporta – Magdalena Ilić, državna prvakinja u skoku u vis

Primjer da se školske obaveze i vannastavne aktivnosti mogu kombinirati, a u svakom segmentu imati i izrazito veliku uspješnost jeste naša stipendistica Magdalena Ilić.

Magdalena Ilić je stipendistica Fondacije Hastor koja živi u Rogatici i trenutno pohađa deveti razred Osnovne škole „Sveti Sava“ u Rogatici. Ljubav i predanost prema učenju je iskazivala od prvog razreda, što je rezultiralo kontinuiranim prosjekom 5,0, međutim, pored ljubavi prema školi i učenju, Magdalena je svoju veliku strast pronašla i u životinjama s kojima rado provodi većinu svog slobodnog vremena. Iako se jahanjem konja bavi još od svoje četvrte godine, to ni u kom smislu nije spriječilo Magdalenu da u svoju rutinu uvrsti i atletiku kojom se bavi već punih šest godina. Konkretno, njena disciplina je skok u vis. Zbog predanog i napornog rada već pet godina Magdalena nosi titulu BiH prvaka u skoku u vis, a uporedo je osvajala i prva mjesta u skoku u dalj i preponama. Magdalena je postigla zapažene rezultate u atletici u kojoj je do sada osvojila 37 medalja, od čega 15 zlatnih, 9 srebrenih, 8 bronzanih i 5 „ostalih“ za učešće na takmičenjima. Pored toga, 2019. godine je pobijedila na mitingu u Sremskoj Mitrovici, a pobjede nisu izostale ni na takmičenjima u Gorazdu i Sarajevu. Tu je i pobjeda u finalu „Nestle lige“ BiH i dvoranskom mitingu u Sarajevu.

U prethodnom periodu od velike važnosti za Magdalenin atletske uspjeh je i Atletske pojedinačno prvenstvo Bosne i Hercegovine za starije pionire koje je održano u maju ove godine u Tuzli. Na ovom takmičenju učestvovalo je 28 klubova, a kao predstavnica Srpskog atletske kluba „Rogatica“ i Skakačke škole „Mićević“ učestvovala je i naša Magdalena koja je superiornim skokom u vis došla do zlatne medalje te je nakon dvoranske titule osvojila i titulu prvakinje Bosne i Hercegovine na otvorenom.

Stipendistica sam Fondacije Hastor skoro dvije godine. To mi mnogo pomaže u svakom smislu, a pogotovo mi daje podsticaj da nastavim i borim se za što veće i bolje uspjehe. Veliko hvala našoj Fondaciji jer je ona jedina koja je prepoznala moj talenat i pružila mi finansijsku pomoć i drago mi je što podržava sve nas mlade jer nam njena pomoć itekako znači. Nadam se da ću još dugo biti njen ponosni stipendista.



NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Vahida Velić i Kenan Kraković dobitnici nagrada na 3MT takmičenju

Među stipendistima Fondacije Hastor se nerijetko nalaze uspješni naučnici. Pored uspješnog bavljenja naukom, skoro je jednako važan i način na koji se nauka prezentuje široj javnosti pa se time javnost pravilno edukuje. Naučna komunikacija je često inspirativna za mlađe generacije koje se, upravo zbog određenih predavača i popularizatora nauke, naukom odluče i baviti.

S tim u vezi, ponosni smo istaći da su na nedavnom „3 Minute Thesis“ (3MT) takmičenju, u organizaciji Bosnia & Herzegovina Futures Foundation, naši stipendisti osvojili čak četiri nagrade. „3 Minute Thesis“ takmičenje imalo je za svrhu da studenti diplomskih i post-diplomskih studija u trominutnom videu objasne suštinu i važnost istraživanja kojim se trenutno bave. Nagradu najbolje prezentacije u kategoriji master studenata osvojila je Vahida Velić s Univerziteta u Sarajevu, a Vahidi je pripala i prva nagrada u kategoriji STEM (eng. Science, Engineering, Technology and Math) prezentacija.

Izuzetno sam sretna i ponosna na ostvarene rezultate koje, prije svega, doživljavam kao poseban vid nagrade za moj dosadašnji trud i zalaganje tokom studiranja. Predstavljeni rad je na temu redizajna mehanizma koljena HKAFO ortoze koja omogućava kretanje pacijentu koji boluje od cerebralne paralize što je, zapravo, bila i tema mog završnog rada na fakultetu. Projekt je rađen u saradnji s UTBM univerzitetom u Francuskoj, APF Handicap France (Asocijacija hendikepiranih osoba u Francuskoj) i Mašinskim fakultetom u Sarajevu.

Moja je želja bila da kroz završni rad dam svoj doprinos društvu, tj. da budem aktivan član društva i na taj način dođem do potrebnih znanja i vještina koji su ključni za lični i društveni razvoj općenito. Zahvaljujući Fondaciji dobila sam priliku da učim i obrazujem se tako da čvrsto vjerujem da je ovo samo početak na putu mog profesionalnog razvoja. Fondacija Hastor je velikim dijelom „krivac“ moje lične stabilnosti, samostalnosti i samouvjerenosti jer oni su ti koji su nas učili da ništa nije nemoguće ako dovoljno jako želimo!

Drugu nagradu u kategoriji master studenata osvojio je Kenan Kraković, kojem je također pripala prva nagrada u kategoriji medicinskih nauka. Kenan je predstavio svoj trenutni projekt u kojem razvija mini jetre, takozvane organoide jetre koje bi se kasnije koristile kao model istraživanja za viralne infekcije jetre. Projekt je bio veoma uzbudljiv s obzirom na to da su spomenuti organoidi poprilično nova tehnologija i nešto s čime studenti nemaju priliku raditi svaki dan.



NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Vahida Velić i Kenan Kraković dobitnici nagrada na 3MT takmičenju



Uspjeli smo mini jetre povezati i s korona virusom te smo napravili model koji je također teoretski podložan infekciji Sars-CoV-2 virusom što ćemo testirati u laboratoriji u budućnosti. 3MT takmičenje je, pored glavnog cilja predstavljanja naših trenutnih istraživačkih radova, bila divna prilika za povezivanje s drugim studentima bh. korijena iz cijelog svijeta.

Kenan je dodao: *Stipendista sam Fondacije Hastor od druge godine dodiplomskog studija. Svakako da je velikodušna stipendija Fondacije kao i pomoć u svim drugim*

aspektima mog života igrala veliku ulogu u mom uspjehu pri upisu na master studije u inostranstvu kao i na sva takmičenja u kojima sam od tada učestvovao. Biti dio Fondacije Hastor je nešto posebno i nikad tu „titulu“ neću uzimati zdravo za gotovo.

Njihove prezentacije približile su neophodnost spoja inženjerstva i medicinskih nauka u ljudskom zdravlju i još jednom potvrdile imperativ razvoja nauke u svakom naprednom društvu. Čestitamo im i ponosimo se njihovim uspjehom jer, kako to i naša misija od samog početka sažima, obrazovanje je izbor pobjednika!

NAJZNAČAJNIJI USPJESI STIPENDISTA U TEKUĆOJ ŠKOLSKOJ/AKADEMSKOJ GODINI

Una Karabeg osvojila 1. mjesto na Global Management biznis takmičenju organizovanom u sklopu ljetne škole u Holandiji

Una Karabeg stipendistica je Fondacije Hastor tek dvije godine, a već nam je mnogo puta dokazala da će ju njena odgovornost, upornost, ali i nedvojbena ambicija voditi do uspjeha. Upravo jedan takav uspjeh ostvarila je i na Global Management biznis takmičenju organizovanom u sklopu ljetne škole u Holandiji.

Kao Senior Scholar i FLS'21 event koordinatorica u Bosnia & Herzegovina Futures Foundation (BHFF – Fondacija budućnosti u Bosni i Hercegovini) dobila je priliku da s još dvoje kolega iz BHFF-a bude predstavica naše države na ljetnoj školi organizovanoj u Utrechtu u Holandiji.

Izuzetno sam zahvalna za priliku koja mi je pružena, imajući u vidu da su poduzetništvo, menadžment i marketing vrlo izazovne oblasti ekonomije kada gledamo širu sliku. Učiti od stručnjaka iz prakse koji imaju globalno iskustvo u ovim sferama je zaista izvanredno i želim se još jednom zahvaliti Bosnia & Herzegovina Futures Foundation koja je prepoznala mene kao osobu koja zaslužuje ovakvo usavršavanje.

Ljetna škola trajala je od 9. do 13. augusta 2021. godine, u sklopu nje Una je pohađala kurs „Globalni menadžment: strateški marketing, menadžment i finansije” na HU Univerzitetu primijenjenih nauka Utrecht – biznis i menadžment. Kvalitet kursa, ističe Una, pored izvanrednog iskustva koje nudi, ogleda se i u činjenici da vrijedi 2 ECTS boda.


Pored učesnika iz naše zemlje, multikulturalnosti su doprinijeli i učesnici iz Brazila, Grčke, Nigerije, UAE, Njemačke, Velike Britanije, Holandije, Siera Leonea, Indije, Pakistana i Filipina. Una je sa svojim timom porijeklom iz Grčke, Nigerije i UAE pobijedila s idejom „Ez-Case – rješenje inovativne praktične maske za mobitele za žene s primarnim fokusom na tržište Zapadnog Balkana“.

Vjerujem da je pobjeda rezultat više faktora – uigranog i odgovornog tima, jednostavne i izvodive ideje, ali i našeg iskustva. Na svom univerzitetu, Sarajevo School of Science and Technology, gdje studiram ekonomiju i internacionalni biznis, naučila sam zaista mnogo – kombinacija znanja i ljubavi prema onome što radite uvijek dovodi do rezultata.

Ističe da motivaciju pronalazi i u prilikama i izazovima, a kroz svoj primjer želi pokazati mladima da je na putu do uspjeha bitno pratiti svoje srce i konstantno raditi na sebi. Dodaje da je od ključne važnosti za svaku mladu osobu da ima cilj u životu. Trenutno je predsjednica Poduzetničkog kluba na Univerzitetu SSST, a čitateljima i čitateljicama poručuje sljedeće:

Ne postoje granice na putu do uspjeha – budite svoji, a izazove nemojte shvatati kao probleme nego jedinstvene prilike za lični, privatni i profesionalni rast i razvoj. Ne postoji savršena priča i jednostavan recept za uspjeh. Nemojte zaboraviti da su uspjesi samo nagrada za vaše sadašnje zalaganje i uporan rad, ali ne i finalna stepenica – uvijek svi možemo bolje i tome treba težiti.

Uninu uspješnu priču prenijeli su brojni bh. portali, a mi smo ponosni da su upravo ovakvi mladi ljudi dijelom proaktivnog tima Fondacije Hastor.



NAJZNAČAJNIJE AKTIVNOSTI STIPENDISTA U LOKALNOJ ZAJEDNICI U TEKUĆKOJ ŠKOLSKOJ/AKADEMSKOJ GODINI

Humanitarni rad kao osnova volontiranja – Aida Kauković

Studenti stipendisti Fondacije Hastor svakog mjeseca izdvajaju vrijeme kako bi učestvovali u aktivnostima unutar lokalne zajednice, pružili pomoć onima kojima je potrebna, organizirali razne akcije itd. Naša stipendistica iz Bosanske Krupe i studentica druge godine na Odsjeku za kriminologiju Fakulteta za kriminalistiku, kriminologiju i sigurnosne studije u Sarajevu Aida Kauković već više od godinu dana svojim volonterskim angažmanom doprinosi Udruženju „Pomozi.ba“.

S pravim pojmom volontiranja upoznala sam se kroz nevladine organizacije koje pomažu mladim ljudima, usmjeravajući ih na konkretne aktivnosti u zajednici i društveno korisne projekte, ali i širenje vidika o stvarnom procesu života. Sve to je indirektno djelovalo na kreiranje vlastite, za mene tada inovativne, percepcije o volontiranju, a to je igra koju svi mi igramo, zove se život. Neko u njoj izgubi, neko pobijedi, ali postoji i jedna skupina ljudi koja uvijek dobija, a to su oni koji daju.


Prethodne godine Aida je imala priliku volontirati u Sanliurfi (Turska) putem Evropske volonterske službe (danas Evropske snage solidarnosti), održavajući časove engleskog jezika u centru za sirijske izbjeglice. U tom kontekstu, radila je na pitanjima organizacije, sprovedbe i evaluacije obuke o socijalnim pravima te obrazovnim aktivnostima za najranjiviju skupinu, a to su djeca izbjeglice.

Sve ovo govorim iz razloga što je zastupljena jedna pogrešna perspektiva među ljudima: da od svega što radimo treba da imamo određenu korist, ali hajde da ta korist bude zahvalnost, lijepa riječ i spoznaja da smo pomogli drugome. Ovo nije moj prvi projekt u sklopu Evropske volonterske službe, ali je jedan od značajnijih faktora koji je djelovao na mene kao ličnost.

Aida je pokrenula i vlastiti neprofitni program „U tuđim cipelama“, gdje je uputila poziv bosanskohercegovačkoj javnosti da podijele priče koje ruše marginalizacije i diskriminacije s ciljem podizanja svijesti

među građanima o raznim društvenim pitanjima. Osim toga, Aida je i rediteljica i njeni dokumentarni filmovi su rezultirali značajnim promjenama za marginalizirane skupine, što za nju predstavlja i cilj svakog djela.

Spoj društvenog aktivizma i kinematografije ogleda se upravo u filmu „Sa druge strane medalje“. Namjera filma je probuditi svijest bosanskohercegovačkog društva o potrebama i željama potresenih roditelja kao i odati počast djeci koja su preminula od posljedica raka. Ovaj film nastao je inicijativom jedne od majki čije je dijete preminulo od raka i naše Aide, a uz podršku Udruženja „Srce za djecu oboljelu od raka“.



NAJZNAČAJNIJE AKTIVNOSTI STIPENDISTA U LOKALNOJ ZAJEDNICI U TEKUĆKOJ ŠKOLSKOJ/AKADEMSKOJ GODINI

Doprinos Amine Kahriman unapređenju poštivanja dječijih prava u BiH

Period obrazovanja generalno, a posebno akademskog, najpogodnije je vrijeme za društveni angažman i proširivanje naših vidika te stjecanje drugačijih svjetonazora. Fondacija Hastor zagovara, podržava i podstiče upravo takve angažmane te svoje stipendiste i stipendistice prati u njihovom razvoju. Amina Kahriman je stipendistica koja aktivno radi na samounapređenju te je kroz volontiranje u Fondaciji Hastor, ali i van toga, uključena u brojne aktivnosti i projekte, a o jednom od njih govorit ćemo i u nastavku teksta.

Kako ističe, Amina je još od osnovne škole dio nevladinog Udruženja „Naša djeca“ te drugih programa i sadržaja u saradnji s njim. Njene aktivnosti u ovom Udruženju se trenutno baziraju na mnogim vidovima pomoći i djelovanja u okviru projekta „Povezivanje tačaka – unapređenje dječijih prava“. Projekt je finansiran od strane Evropske unije, a nastao je inicijativom i saradnjom World Vision fondacije i Udruženja „Naša djeca“ Sarajevo. Zamisao i glavni cilj projekta je da u naredne dvije godine veliki broj dječaka i djevojčica te mladih žena i muškaraca direktno utječe na kreiranje politika koje ih se tiču i radi na unapređenju poštivanja dječijih prava u BiH.

Velika je i izuzetna čast što imam priliku obavljati administrativne poslove i direktno pratiti razvijanje projekta koji će u konačnici rezultirati kreiranjem digitalne platforme za razmjenu mišljenja i iskustava državnih institucija i nevladinih organizacija te će u zajednički rad uključiti djecu i mlade.

Prije učešća u realizaciji prethodno spomenutog projekta Amina je u okviru Udruženja „Naša djeca“ bila posvećena radu na unapređenju društvenih mreža Udruženja, smatrajući to adekvatnim kanalom komunikacije s obzirom na tehnološku pismenost današnjih generacija koje najveći dio svog vremena provode upravo na društvenim mrežama. Osim toga, vrijedi spomenuti i njeno učešće i angažman na projektu pod nazivom „Monitoring preporuka Komiteta za prava djeteta – UNICEF BiH“, koji je nedavno dobio veliku pažnju na društvenim mrežama. Amina je u okviru spomenutog projekta obavljala dužnost mentora grupe djece iz

Sarajeva koja su radila na realizaciji, kreiranju i promociji kampanje „Nije bitna DNK, bitna je ljubav“ finansirane od strane UNICEF-a. Kako Amina ističe, glavni cilj je bio da se ovom kampanjom pokuša podići svijest javnosti o značaju starateljstva i hraniteljstva te vaninstitucionalne brige za djecu.

S obzirom na to da sam već godinama volonter ovog udruženja, svake godine volontiram i prilikom obilježavanja 20. novembra – Međunarodnog dana dječijih prava. Smatram da je volontiranje u organizacijama koje rade na promociji prava djece, ali i odraslih, od velikog značaja za cijelu zajednicu, jer garantovanjem prava garantujemo sigurnost, ali i zadovoljstvo cjelokupne zajednice.

Za kraj Amina je istakla kako je njen volonterski angažman uistinu unaprijedio njena znanja, vještine i sposobnosti te je kroz njega dobila priliku pomoći i olakšati drugima što smatra suštinom svakog volonterskog sata.



NAJZNAČAJNIJE AKTIVNOSTI STIPENDISTA U LOKALNOJ ZAJEDNICI U TEKUĆKOJ ŠKOLSKOJ/AKADEMSKOJ GODINI

Doprinosa Asje Hadžić u organizaciji radionica „Smartuino“

U sklopu projekta „Passion“ stipendistica Asja Hadžić je sa svojom grupom „Futures Brainstormers“ bila dijelom organizacije Arduino radionica za srednjoškolce pod nazivom „Smartuino“.

Radionice su podržane i od strane Fondacije budućnosti BiH i održane su u tri grada – Živinice, Gradačac i Tuzla. Grupa „Futures Brainstormers“ sastoji se od 5 članova koji vjeruju da je praktično znanje u bilo kojoj grani nauke veoma bitno za obrazovanje.

U našoj zemlji nastava je uglavnom bazirana na teoretskom učenju, što smo i sami doživjeli u našim školama. Nedostatak praktičnog rada nas je podstaknuo da baš ovo odaberemo za temu „Passion“ projekta.

Cilj ovog projekta je predstaviti temu „pametnih kuća“ mladim srednjoškolcima korištenjem Arduino platforme. Mnogi od njih ranije nisu imali priliku raditi s Arduinoom.

Naše rješenja temelji se na korištenju jednostavne elektronike, mehanike, osnova programiranja i Arduino platforme. Kroz zanimljive razgovore i primjenu različitih tehnika rješavanja problema, podstaknuli smo srednjoškolce da kreativno razmišljaju i na inovativan način iskoriste predmete u svom svakodnevnom životu.

Naprimjer, jedna od aktivnosti kojom su se bavili sa učesnicima radionice jeste to da su im pokazali kako napraviti jednostavan alarmni sistem pomoću senzora i zvučnika i kako to povezati na mobilni telefon putem bežične veze.

Sjajna stvar naše radionice jeste što je učesnicima pružila novi način učenja. Iskusili su šta znači napraviti vlastiti uređaj i kako modernizirati svoj dom koristeći jednostavnu elektroniku i stvari iz svakodnevnog života. Želimo podijeliti tehničko znanje koje smo stekli tokom studija i možda motivirati neke od njih da se upišu na inženjerski ili informatički fakultet.

Učesnici radionica bili su oduševljeni i većina njih je izjavila da u školama nedostaje aktivnosti ove vrste. Vidjeti njihovu zainteresovanost prilikom objašnjavanja i sreću zbog toga što imaju priliku i sami uraditi i napraviti nešto zanimljivo bio je, kako navodi Asja, neopisiv osjećaj:

Nadam se da sam bar u jednom od učenika probudila želju da i sam nešto od ovoga isproba kod kuće ili da sam barem nekoga od njih zainteresovala za ovu granu nauke. Misija i rad Fondacije Hastor svakodnevno me motivišu da učestvujem u ovakvim događajima, volontiram i prenosim svoje znanje drugima. Kao stipendistica Fondacije Hastor naučila sam kako raditi s djecom i mladima, na koji način biti od koristi svojoj zajednici i društvu i da je osjećaj kada pomogneš nekome neopisiv. Iskreno se nadam da ću imati priliku biti dio sličnih radionica i u budućnosti.



NAJZNAČAJNIJE AKTIVNOSTI STIPENDISTA U LOKALNOJ ZAJEDNICI U TEKUĆKOJ ŠKOLSKOJ/AKADEMSKOJ GODINI

Društveni aktivizam stipendistice Aleksandre Đukić

Fondacija Hastor redovno predstavlja proaktivne stipendiste, a jedna od njih je i naša Aleksandra Đukić iz Bijeljine, studentica druge godine Filozofskog fakulteta Univerziteta u Tuzli, smjer Žurnalistika.

Redovno učestvuje na radionicama koje su vezane za novinarstvo, aktivizam mladih i demokratiju, a trenutno je dio programa „Poticanje demokratskih vrijednosti i aktivnog građanstva među mladima“ organizovanog od strane nevladine organizacije „Humanity in Action“. Ovaj desetomjesečni program ima za cilj obučiti i upoznati mlade aktiviste s demokratijom i ljudskim pravima i podstaći ih na kritičko razmišljanje.

Program je podijeljen na nekoliko faza: prva faza podrazumijevala je određena predavanja, a u skladu s istim i zadatkom da na osnovu Zakona o slobodi i pristupu informacijama napišemo zahtjev – ja sam izabrala Ministarstvo porodice, omladine i sporta Republike Srpske, gdje sam tražila od njih da mi dostave određene informacije koje su od javnog značaja.

Potom su na red došle debatanke radionice, gdje je Aleksandra proglašena za jednog od najboljih debatanata, kao i zadatak da napišu policy brief na određenu temu.

Odabrala sam „Regulisanje govora mržnje u Federaciji Bosne i Hercegovine“ kao temu te je moj Policy brief poslan direktno u Vladu. U sklopu grupnog projekta ćemo praviti edukativni film ili neku vrstu edukativne igre nakon treninga u Neumu, koji će se održati krajem maja. Naš rad će biti predstavljen u medijima i biti će promovisan uživo na ljetu, naravno, ukoliko to dozvole epidemiološke mjere.

Za Fondaciju Hastor Aleksandra je poručila:

Drago mi je što sam postala član Fondacije Hastor te što ću upoznati veliki broj stipendista. Posebno sam emotivno ispunjena jer volontiram u lokalnoj zajednici i na skroman način dajem doprinos mjestu u kome sam odrasla i školovala se. Jako sam zahvalna na prilici koju sam dobila te ću se truditi da dam maksimum u budućnosti i da moji uspjesi budu i uspjesi Fondacije Hastor.



STIPENDISTI FONDACIJE HASTOR OBILJEŽILI DAN PLANETE ZEMLJE

22. APRIL



NAJZNAČAJNIJE AKTIVNOSTI STIPENDISTA U LOKANOJ ZAJEDNICI U TEKUĆOJ ŠKOLSKOJ/AKADEMSKOJ GODINI

Stipendisti Fondacije Hastor obilježili Dan planete Zemlje



Sevla Kopic

Dan planete Zemlje se obilježava 22. aprila u više od 150 zemalja širom svijeta, a sa službenim obilježavanjem se započelo 1992. godine kada je tokom konferencije UN-a o okolišu i razvoju u Rio de Janeiru usklađen dugoročni program za promociju održivog razvoja. Na prijedlog bolivijске vlade 2009. godine, Opšta skupština Ujedinjenih naroda 22. je proglasila april Svjetskim danom planete Zemlje.

Kao aktivni članovi svojih lokalnih zajednica, naši stipendisti su, u skladu sa samim konceptom obilježavanja ovog veoma značajnog datuma, dali svoj doprinos očuvanju i podizanju svijesti o važnosti brige o planeti Zemlji. Mnogi stipendisti Fondacije Hastor odlučili su obilježiti ovaj dan u sklopu aprilskih volonterskih aktivnosti, a mi u nastavku izdvajamo one najzanimljivije.

Stipendistica Amina Lendo je u svrhu obilježavanja Dana planete Zemlje s manjom grupom najmlađih članova njihove lokalne zajednice odlučila da aktivno doprinese istoj. Prva aktivnost je uključivala razgovor o planeti Zemlji, razmjenu ideja o načinima zaštite okoliša i svjesnosti o utjecaju globalnog onečišćenja na ljude i sam život.

Odlučili su da bi bilo odlično očistiti potok koji protiče kroz njihovu lokalnu zajednicu. Zajedničkim snagama su uspjeli očistiti većinski dio potoka te tako uljepšati krajolik njihove zajednice. Amina tvrdi da je bilo veoma ugodno provoditi vrijeme s mališanima koji su, bez obzira na svoju dob, veoma aktivni članovi zajednice te naročito zainteresovani da istu poboljšaju kad god mogu.

NAJZNAČAJNIJE AKTIVNOSTI STIPENDISTA U LOKANOJ ZAJEDNICI U TEKUĆOJ ŠKOLSKOJ/AKADEMSKOJ GODINI

Jedna od aktivnosti naših stipendista povodom obilježavanja ovog datuma je bilo i sakupljanje otpada iz bazena jezera Pliva u blizini Jajca. U ovoj aktivnosti je učestvovala

Ajka Čamdžić, stipendistica Fondacije Hastor, koja otkriva: Stanje na terenu je bilo veoma kritično zbog prevelike količine smeća u samom jezeru. Proveli smo skoro šest sati u posebnim gumenim odijelima u jezeru, pokušavajući što više smeća skupiti u vreće, pravilno rasporediti i odložiti. Jezero i dalje nije očišćeno od smeća, još uvijek je ostalo nekoliko kilometara obale koji se guše u smeću. Ipak, kaže da je ponosna na ovu akciju u toku koje je stotine vreća smeća sakupljeno i pravilno odloženo.

Sevla Kopic je, zajedno s rođakom, odlučila da volontiranje u lokalnoj zajednici uradi upravo na Dan planete Zemlje i to tako što će očistiti Jošanički potok u Vogošći. Jošanički potok je prelijepa destinacija koja je okružena šumom i zelenim površinama. Od centra Vogošće je udaljen otprilike 3,5 km što zahtijeva i malo veću fizičku aktivnost, a o situaciji koju su zatekli Sevla nam otkriva:

Na putu do samog izvora Jošaničkog potoka, vidjeli smo dosta smeća koje se nalazi i u vodi i oko ognjišta predviđenih za roštiljanje. Iako je na putu do Jošaničkog potoka postavljen znak da je zabranjeno odlaganje smeća, na žalost, s dosta istog smo se susreli.

Nakon očišćenog jednog dijela potoka, koliko je bilo pristupačno od drveća, Sevla i njen rođak su se zaputili nazad u Vogošću te razvrstavali pogrešno odložen otpad u kontejnerima za reciklažu. Našu malu, ali korisnu avanturu, završili smo sretni i zadovoljni time što smo Dan planete Zemlje makar u određenoj mjeri uspjeli obilježiti.



Ajka Čamdžić

NAJZNAČAJNIJE AKTIVNOSTI STIPENDISTA U LOKALNOJ ZAJEDNICI U TEKUĆKOJ ŠKOLSKOJ/AKADEMSKOJ GODINI

Ljetna škola sporta u organizaciji Nejele Graho

Organizacione vještine naših stipendista ne dolaze do izražaja samo u toku nastavne godine već i nakon što završe svoje nastavne i ispitne obaveze. Povezati svoju struku s društveno korisnim radom uvijek je itekako pohvalno, a u nastavku čitajte o čemu se radi.

Stipendistica Neja Graho iz mjesta Gorani kod Konjica studentica je na Odsjeku za sport i zdravlje Nastavničkog fakulteta Univerziteta „Džemal Bijedić“ u Mostaru. Na prvoj godini studija postala je državna seniorska prvakinja u karateu i iste godine osvojila Dekanovu nagradu za najbolje studente Nastavničkog fakulteta. Ove godine je bila dio projekta „Stariji brat, starija sestra“, mentorski projekt kroz koji se spajaju volonter/volonterka (stariji brat/sestra) i dijete (mlađa sestra/brat) s ciljem razvijanja kvalitetnog, brižnog i podržavajućeg odnosa. Taj se cilj ostvaruje putem dva oblika: rad volontera/volonterke s djetetom i rad stručnjaka/stručnjakinje s volonterom/volonterkom. Osim toga, bila je trenerica u školi gimnastike „Make a move“, učestvovala je na utrci od 5 km u Jablanici te osvojila 2. mjesto u svojoj kategoriji i, pored svih vannastavnih aktivnosti, ponovila uspjeh s prve godine studija, ostvarivši maksimalan prosjek ocjena.

Svoju ljubav prema sportu i radu s djecom je odlučila usmjeriti ka organizovanju ljetne škole u rodnom mjestu te je ovo ljeto pokrenula Ljetnu školu sporta za djecu osnovnoškolskog uzrasta.

Svi treninzi su održavani u dvorištu područne škole „Gorani“, gdje smo izvodili treninge iz šest sportova: atletika, gimnastika, ples, košarka, odbojka i fudbal. Uz to smo imali i goste na treningu, sportiste koji su u svojim oblastima prikazivali vještine i djeci prenosili znanje. Osim treninga, išli smo i na tri izleta, dva smo održali na stadionu iznad sela, a treći izlet je podrazumijevao odlazak u Mostar. Ljetnu školu sporta pohađalo je 34 djece iz osam mjesta. Iz jedne porodice članarinu je plaćalo samo jedno dijete, a upravo je članarinama finansirana sva oprema koju smo koristili te dio autobuske karte do Mostara. Svu nabavljenu opremu smo donirali područnoj školi u Goranima. Na kraju smo, uz muzički program (pjesmu i ples), upriličili dodjelu medalja i diploma za djecu i zahvalnice za sve koji su pomogli rad Ljetne škole sporta.

Neja ističe kako su, po završetku Ljetne škole, ogromnu radost i zahvalnost izrazila sva djeca i njihovi roditelji te planira nastaviti s ovim projektom i iduće godine.

Kaže kako joj je porodica najveća podrška u životu, ali da bez Fondacije Hastor, čija je stipendistica već osam godina, mnoge stvari ne bi bile moguće.

Svi uspjesi i nagrade su rezultat konstantnog rada i podrške. Fondacija Hastor mi uvijek daje vjetar u leđa. Konstantna motivacija koju mi pruža, ali i općenito briga za svakog stipendistu ponaosob su izuzetne stvari koje stvaraju veoma lijep osjećaj. Trudim se da Fondaciju Hastor svojim trudom učinim ponosnom i da joj na pravi način zahvalim za sve što je godinama pružala mojoj porodici i meni.



NAJZNAČAJNIJE AKTIVNOSTI STIPENDISTA U LOKALNOJ ZAJEDNICI U TEKUĆKOJ ŠKOLSKOJ/AKADEMSKOJ GODINI

Stipendistica Ajla Imamović organizatorica kampa mladih „Antistres terapija i psihosocijalna podrška“


Nikada ne sumnjaj da mala grupa ljudi može promijeniti svijet, uistinu, to je jedino što ga je ikada i mijenjalo, izreka je antropologinje Margaret Mead. Upravo ovom izrekom se vode mnogi mladi ljudi koji su kao stipendisti Fondacije Hastor u volontiranju vidjeli način da se društvo pokrene, a takav slučaj je i s Ajlom Imamović. Stipendistica Fondacije Hastor već dugi niz godina, Ajla Imamović, rođena 26.08.1999. godine Tuzli, studentica je IV godine studijskog programa Sanitarno zdravstvo na Medicinskom fakultetu Univerziteta u Tuzli.

Dugogodišnja je volonterka Crvenog križa grada Živinice, u kojem je stekla mnogo iskustva u svim oblastima djelovanja koje su u skladu sa statutom, misijom, vizijom i principima ove humanitarne organizacije. S tim u vezi, bila je jedna od organizatorica kampa mladih „Antistres terapija i psihosocijalna podrška“. Na Kampu mladih Crvenog križa grada Živinice realizovano je nekoliko radionica koje su bile usmjerene ka psihoterapiji i aktivnostima koje su namijenjene kontroli depresije i stresnim situacijama s kojima se volonteri susreću tokom svojih aktivnosti. Također, održan je i trening pod nazivom „Pomoć pomagačima“ koji je odrađen s vrhunskim psihoterapeutima. Događaju je prisustvovalo 80 volontera iz cijele Bosne i Hercegovine.

Ajla ističe da je njeno iskustvo na ovom kampu usmjereno ka stručnjem usavršavanju u ovom polju i tematici koja je zaista veliki problem u našoj zajednici, pogotovo u vrijeme kada se susrećemo s raznim nedaćama i preprekama koje su popraćene raznim vrstama problema. Također, ovakav događaj Ajli je pomogao u smislu da razumije koliko je bitna afirmacija univerzalno pozitivnih vrijednosti te promocija principa i aktivizma.

Ovakvi događaji pomažu u kreiranju nekih novih životnih pravaca na koje možemo biti ponosni, jer stvaraju novu mrežu prijateljstava pomoću kojih možemo zajednički djelovati i upotpuniti sve ono što je u trenutku problem. Pozitivna je i priča što je uspješno okupljeno čak 80 ljudi koji su ovakvim dešavanjem zasigurno upotpunjeni, čemu je dodatno doprinijelo prirodno okruženje bez pretjeranog razmišljanja o nekim stvarima koje nam dodatno povećavaju stres i stvaraju anksioznost. Mladi su imali priliku da se distanciraju od mobilnih telefona i savremenih tehnologija, koje u svakom trenutku, pored svih pozitivnih faktora djelovanja, imaju i mnogo onih koji negativno utječu na nas i na okruženje u kojem se nalazimo.

Kao stipendistica Fondacije Hastor imala sam priliku da se upoznam s raznim načinima afirmisanja u društvo i u segmente koji se tiču volontiranja i kreiranja zdravog okruženja za svaku osobu koja je u procesu razvoja i kreiranja ličnosti. Kroz stipendiranje Fondacije Hastor, dobila sam vjetar u leđa da radim i djelujem u nevladinom sektoru te da svojim primjerom podstičem nove ljude i budem promjena koju želim vidjeti, jer zaista mladi ne treba da budu problem našeg društva, nego resurs koji se treba iskoristiti i podržavati sve dok se ne pojavi određena stagnacija.



NAJZNAČAJNIJE VANNASTAVNE AKTIVNOSTI STIPENDISTA U TEKUĆOJ ŠKOLSKOJ/AKADEMSKOJ GODINI

Stipendistica Amna Krnjić pokrenula edukativni YouTube kanal

Svakodnevno svjedočimo pozitivnim pričama u kojima glavnu ulogu imaju stipendisti Fondacije Hastor, a jedna od takvih priča potječe od naše stipendistice Amne Krnjić iz Novog Travnika.

Amna je studentica prve godine Mašinskog fakulteta u Sarajevu. Dok je bila još u osnovnoj školi, imala je želju da studira neki od tehničkih fakulteta, a posebno se radovala izradi i rješavanju zadataka. Voljela je gledati emisije inženjerskog karaktera pa se možda odatle i ponajviše rodila želja za izradom korisnih mašinskih elemenata. Činjenica da na određenom predmetu vidiš rezultat ličnog truda i rada bila je jedna od njenih vodilja ka izboru fakulteta.

Prije početka pandemije COVID-19 vježbe iz jednog od njenih predmeta bile su izvođene u laboratorijima na Fakultetu, što sada nije moguće izvesti. Njene kolege i ona su dobili zadatak da snimaju eksperimente u kućnim uvjetima. To su vježbe za koje nije potrebno mnogo materijala i uglavnom su vezane za gradivo koje se obrađuje, jedino je potrebna mala doza strpljenja i želja za učenjem novih stvari. Ono što je posebno zanimljivo jeste Amnina odluka da svoje videozapise objavi na YouTube kanalu kako bi pomogla i drugima u realizaciji njihovih eksperimenata. Sretna je zbog činjenice da su videozapisi dobili pozitivne reakcije, a teško je naći bolju motivaciju od te. Inspirisana je da nastavi sa snimanjem i odlučna da istraje u objavljivanju i nakon što je položila spomenuti predmet. Na svom kanalu trenutno ima objavljena tri videozapisa, a uskoro planira objaviti i četvrti.

Amna je tek nešto više od godinu dana stipendistica naše Fondacije te je još jedna studentica kojom se ponosimo. Svim stipendistima i čitaocima naše web-stranice poručuje:

Svaka prepreka je tu da nas ojača i da nas nauči nečemu novom i podari nam još jedno novo iskustvo koje će nam olakšati savladavanje drugih prepreka. Uvijek treba pokušati ostvariti svoje želje bez straha od neuspjeha i nastaviti dalje kad se on i desi jer sve je dio života, samo trebamo nastaviti koračati dalje i upijati nova znanja i mogućnosti koje nam se pružaju.



NAJZNAČAJNIJE VANNASTAVNE AKTIVNOSTI STIPENDISTA U TEKUĆOJ ŠKOLSKOJ/AKADEMSKOJ GODINI

Učešće stipendistice Amine Zorlak u podcastu „Anamneza“



Jedan od mnogobrojnih pozitivnih primjera stipendista Fondacije Hastor koji svoje znanje i vještine ulažu za veće dobro je Amina Zorlak. Srednje obrazovanje je završila u Prvoj bošnjačkoj gimnaziji te je na osnovu svog uspjeha dobila priznanje „Ponos generacije“ 2015. godine. Visoko obrazovanje je nastavila na Medicinskom fakultetu Univerziteta u Sarajevu. Ističe da je ovaj fakultet bio logičan slijed nakon završenog prirodnog smjera u gimnaziji, ali i rezultat njene velike želje da svoje znanje usmjeri na humani poziv poput medicine.

Uprkos silnim obavezama koje sa sobom nosi ovaj fakultet, Amine nije zanemarila brojne talente koje posjeduje, a nekoliko puta je bila učesnik medicinskih kongresa širom Sarajeva i jedanput u Beogradu. U svoje slobodno vrijeme svira violinu i klavir, a pored intenzivnog sviranja tih instrumenata, posjeduje i osnovna znanja o gitari i harmonici, čita knjige i uči španski jezik.

Dio svog slobodnog vremena je usmjerila i na učešće u podcastu „Anamneza“, kratkoj emisiji u trajanju od 20 minuta koja obrađuje teme iz oblasti medicine i stomatologije. Amina posjeduje svoj dio u podcastu koji se naziva „Kutak za historijski trenutak“ u kojem prije samog razgovora s gostom ukazuje na nekoliko osnovnih čin

jenica vezanih za temu koja će se obrađivati u određenom podcastu. Konkretno, u jednoj od emisija Amine navodi da ortodoncija nije samo profesija koja nas ohrabruje da se smijemo od sveg srca nego je to umjetnost prožeta brigom o našem zdravlju i estetici te jedna od najsavremenijih grana medicine koja napreduje vrtočlovom brzinom. Na taj način Amina različite oblasti medicinske nauke ne svodi samo na puku formalnost već ukazuje na značaj vođenja računa o našem zdravlju.

Jako sam sretna što sam imala priliku učestvovati u ovakvom projektu i što ću nastaviti s time, prije svega, jer sam na taj način dobila priliku da razvijam svoje „voditeljske“ vještine, što je bila moja ljubav prije same medicine. Snagu da se odvažim u ovakvom projektu dugujem i Fondaciji Hastor u kojoj sam kroz višemjesečno volontiranje stekla dodatno samopouzdanje. Čitajući priče i iskustva drugih članova, Fondacija me svakodnevno inspiriše da budem bolja i nastavim raditi na svakom polju, da ne gledam pravo i da ne prođe niti jedan dan, a da ne naučim nešto novo, što ne mora biti nužno u okviru medicinskih nauka. Moj moto je Nulla dies sine linea! (Nijedan dan bez poteza!).

NAJZNAČAJNIJE VANNASTAVNE AKTIVNOSTI STIPENDISTA U TEKUĆOJ ŠKOLSKOJ/AKADEMSKOJ GODINI

Fuzija umjetnosti u čast bosanskohercegovačkih književnih velikana

Svjedoci smo da se nerijetko bosanskohercegovačkim književnicima i našoj književnosti općenito daje malo značaja, stoga uvijek budi nadu vidjeti mlade ljude kako podižu svijest o važnosti kulturnog rasta i razvoja jednog naroda, naročito kada su u pitanju stipendisti Fondacije Hastor. Često su upravo naši stipendisti inicijatori promjena, pomjerajući vlastite granice i uvijek čineći korak više, nerijetko predstavljaju najperspektivnije članove društva. U nastavku donosimo priču o učešću naših stipendistica Nejle Komar, studentice četvrte godine na Muzičkoj akademiji u Sarajevu i Ade Sivac, studentice treće godine Akademije likovnih umjetnosti, na zatvaranju Pop Art Festivala i umjetničkom performansu posvećenom bosanskohercegovačkim književnim velikanima.

Peto po redu izdanje Pop Art Festivala svoju završnicu realiziralo je kroz program posvećen velikanima bosanskohercegovačke književnosti. Njima su počast odali mladi umjetnici iz Bosne i Hercegovine, studenti tri sarajevske akademije (Muzička akademija, Akademija scenskih umjetnosti i Akademija likovnih umjetnosti), performansom „Tok modre rijeke“ na Trgu oslobođenja – Alija Izetbegović.

Nejla naglašava značaj ovog performansa: *Cilj ovog performansa je podizanje svijesti o važnosti ovog kulturnog naslijeđa u centru Sarajeva, gdje se nalaze spomen-biste Mehmedaliji Maku Dizdaru, Ivi Andriću, Meši Selimoviću, Skenderu Kulenoviću, Branku Ćopiću, Rodoljubu Čolakoviću, Isaku Samokovliji i Veselinu Masleši.*

Čitanje odlomaka književnih djela iz pera domaćih autora koje su izveli studenti Akademije scenskih umjetnosti označilo je početak programa, publika je pozvana da pride svakoj bisti, gdje će ih dočekati studenti Akademije likovnih umjetnosti među kojima je i Ada slikala portrete spomenutih književnika na licu mjesta kao i instrumentalne solo izvedbe studenata Muzičke akademije. Među njima je i Nejla svirala violončelo dok su se recitovali odlomci Ive Andrića i Meše Selimovića. Ada je ukratko opisala doživljaj tokom performansa:

Šarolikim bojama slika, čitanjem odlomaka djela književnika i zvukom raznih muzičkih instrumenata doimalo se da je cijeli trg oživio. Biste više nisu nepomično stajale jer im je različitim izvedbama udahnut život.

Program je završen horskim izvođenjem pjesme „Modra rijeka“ bh. književnika Mehmedalije Maka Dizdara koju je otpjevao oktet studenata Muzičke akademije u Sarajevu. Na ovaj specifičan način postignut je kolektivni rad studenata tri sarajevske umjetničke akademije na izuzetno važnoj temi za bh. kulturu.

Fondacija konstantno radi na promovisanju bh. kulture i naših najvećih postignuća, stoga nam je veliko zadovoljstvo imati u našoj porodici mlade ljude poput Nejle i Ade koji u vremenu upitnih kulturnih vrijednosti potiču i ističu ono što zaista vrijedi i što predstavlja kulturu i umjetnost naše države.



NAJZNAČAJNIJE VANNASTAVNE AKTIVNOSTI STIPENDISTA U TEKUĆOJ ŠKOLSKOJ/AKADEMSKOJ GODINI

Prva samostalna izložba stipendiste Kemila Bektešija

Kemil Bekteši, stipendista Fondacije Hastor, diplomirao je 2020. godine na Odsjeku za slikarstvo na Akademiji likovnih umjetnosti u Sarajevu, a nedavno je otvorio vrata svojoj prvoj samostalnoj izložbi koja simbolično nosi naziv „Bekteši“. Izložba „Bekteši“ je njegova prva ozbiljna izložba koja je otvorena 21. maja, a u kojoj Kemil predstavlja seriju radova koji su nastajali u periodu od 2018. do 2021. godine. Izložba se nalazi u Galeriji savremene umjetnosti Brodac i trajat će do 6. juna, a kustosica izložbe je Adna Muslija.

Kemil kaže da je njegov cilj bio da se predstavi sarajevskoj publici u doslovnom, ali i u metaforičkom smislu. Sam naziv izložbe „Bekteši“ govori da je izložba autobiografskog karaktera, u nju je umjetnik Kemil utkao dijelove svoga života i pokušao približiti publici kako se osjeća zbog svog identiteta. Kemil je rođen u Beogradu, njegovi roditelji su porijeklom s Kosova, a trenutno žive u Sarajevu. Kao osoba koja je rastrzana između različitih krajeva, politika i nacionalnosti želio je da i posjetioci izložbe prepoznaju djelić sebe, jer je ova tema mnogima jako bliska i mogu se poisto-

Izložba je multimedijalnog karaktera, sadrži instalaciju, crteže, autentičnu fotografiju iz mog djetinjstva, moje pasose koji sada postaju umjetnički objekti, a ne oznaka nacionalnosti. U postavci je uključen i crtež, kolaž i intervanisanje na printovima s dosta pisanog teksta, ističe Kemil.


Kemil se slikarstvom bavi 9 godina, a s umjetničkim obrazovanjem započinje 2012/13. godine kada je upisao Srednju školu primijenjenih umjetnosti. Nakon završene srednje škole svoj umjetnički put nastavlja na Akademiji likovnih umjetnosti u Sarajevu. Pored sarajevske Akademije također je studirao na Fakultetu likovnih umjetnosti u Portu, u Portugalu. U Portugalu je proveo zimski semestar 2018/19. godine i posvetio se izučavanju savremene umjetničke prakse. Pored slikarstva, Kemil se izražava u različitim medijima, često radi na objektima, instalacijama, u javnom prostoru, pa tako svoju umjetničku praksu ne ograničava samo na slikarstvo nego predstavlja jedan tip multimedijalnog umjetnika.

Pored toga što se svojim umjetničkim djelima ističe od drugih umjetnika s ovih prostora, Kemil je dobitnik „Zlatne značke“ Univerziteta u Sarajevu za prvi ciklus studija, a kako kaže, na dobrom

je putu da i na drugom ciklusu studija ostvari izvanredne rezultate. Kada je bio nešto mlađi, bavio se eksperimentalnim kratkim filmovima te je osvojio mnogo nagrada na tom polju. Kao stipendista Fondacije Hastor, Kemil kaže da je Fondacija imala bitnu ulogu u njegovom životu, jer je konstantno imao podršku koja mu je jako značila:

Fondacija Hastor uvijek nesebično pruža podršku ne samo meni nego svim stipendistima. Jako je lijepo kada neko slavi tvoj uspjeh i motiviše te da nastavljaš sa svojim radom, ma koji to životni poziv bio. Drago mi je da se u Fondaciji, pored mene, nalazi još nekoliko mojih kolega s Akademije likovnih umjetnosti. To mi govori da Fondacija Hastor brine o kulturi naše države, a ja to itekako poštujem. Iskoristio bih ovu priliku da im se zahvalim na povjerenju!

Stipendistima Fondacije Hastor Kemil simbolično poručuje:
Rad spašava!



NAJZNAČAJNIJE VANNASTAVNE AKTIVNOSTI STIPENDISTA U TEKUĆOJ ŠKOLSKOJ/AKADEMSKOJ GODINI


Adelisa Begić objavila drugu knjigu

Svaki oblik umjetnosti je na određeni način drugi, paralelni umjetnikov svijet. To je nešto za šta se živi i svaki momenat života je usmjeren ka umjetničkom ostvarenju kroz razne oblike. Naša mlada književnica Adelisa Begić, koju ste već upoznali kroz njenu prvu knjigu *Tvoja ljepota mijenja svijet*, nakon kraće pauze ponovo nas iznenađuje svojim talentom. Da želi pisati čitav život, jasno je iz činjenice da je svoj književni dar usmjerila i na dramu pa tako imamo novo ostvarenje.

Adelisa je kroz srednju medicinsku školu pokazivala i svoju ljubav prema medicini, pa je danas studentica na Fakultetu zdravstvenih studija – smjer Radiološke tehnologije. Još je kao učenica srednje škole ostvarivala zapažene rezultate, a njena svestrana ličnost nas je uvela u novo remek-djelo. Knjiga *Kad mladost stvara* trenutno čeka na uplatu sredstava od Općine Jajce kao sponzora koji će nadomjestiti iznos koji nedostaje da bi se krenulo sa štampanjem. Ovo djelo podijeljeno je na liriku, epiku i dramu, a kao lijep izazov u njoj se, kroz dramu, nalazi i priča o Esmi sultaniji, simbolu grada Jajca. U augustu 2019. godine premijerno je u Jajcu izvedena njena predstava „Esmasultanija“ koju Adelisa potpisuje i kao scenarista. Naredne godine, uz pomoć književnice Vernese Manov, svoj projekt prijavljuje i na konkurs Ministarstva obrazovanja, nauke, znanosti, kulture i sporta Srednjobosanskog kantona na kojem je dobila i finansijsku podršku.

Dio je tima Fondacije Hastor već šest godina. U Fondaciji je upoznala nove ljude, kako kaže, za nju je to najvažnije iskustvo. Prijateljstva koja je stekla su posebnog značaja jer su to svojevremeno bili i članovi Fondacije, ali i njeni sugrađani. Prvo književno djelo ove mlade spisateljice bilo je ljubavnog karaktera, a nakon toga je kao izazov dobila preporuku da napiše i dramu koju smo već spomenuli. Ta drama je prerasla u jedno kvalitetno i vrijedno djelo. Drama govori o iskustvu, periodu sazrijevanja, razočarenja, upoznavanja s novim ljudima, ali ima crtice i o Esmi sultaniji. Najljepše je kad uz svoj rad, u koji uložiš mnogo truda, imaš i ljude koji će to podržati.

Ovo Adelisino djelo izvanredan je primjer kako članovi Fondacije imaju vezu s drugim njenim članovima različite ili slične profesije. Naime, lekturu ovog djela radila je profesorica Maida Husnić, također članica Fondacije. Iako je Adelisa nailazila na brojne poteškoće, nije odustajala, a na tom putu Fondacija je dala veliki doprinos. Nadamo se da ćemo uskoro u našim rukama imati ovo djelo te da ćemo uživati pri svakom pročitanoj rečenici. Također, nadamo se da je za našu mladu književnicu ovo još jedna stepenica više ka pijedestalu najvršnjih bosanskohercegovačkih književnika.



NAJZNAČAJNIJE VANNASTAVNE AKTIVNOSTI STIPENDISTA U TEKUĆOJ ŠKOLSKOJ/AKADEMSKOJ GODINI

Stipendistica Semina Sadiković objavila prvu knjigu poezije Ponoćne misli

Stipendistica Semina Sadiković trenutno studira na Filozofskom fakultetu u Sarajevu, Odsjek za komparativnu književnost i informacijske nauke. U slobodno vrijeme se bavi glumom te joj je, samim tim, i pozorište jedno od polja zanimanja. Temelj za ispunjenje svojih snova je, kako navodi, pronašla na pozornici na kojoj je i čitala svoju poeziju.

Svaki put kada sam putovala sa svojim ansamblom putovala je i moja poezija u nove zagrljaje.

Za knjigu kaže da je „ispisana stihovima poezije“, a prve stihove napisala je upravo u srednjoškolskim klupama. Knjiga nosi naziv Ponoćne misli i smatra da je to bio njezin iskreni pronalazak sebe u određenim satima. Što se tiče inspiracije, Semina misli i ističe kako je uvijek prisutna kao i sama potreba za njom.

Inspiracija pronade put ka našim emocijama.

Ističe da je pri procesu izdavanja knjige imala i podršku svog grada Bugojna, roditelja i prijatelja te smatra da ljudi s velikim zadovoljstvom iščekuju mlade da ih podrže u njihovim idejama te realizaciji istih. Prelomna tačka se desila na jednom putovanju s ansamblom u Novi Grad gdje joj je organizirano poetsko veče.

Vidjevši ljude da čitaju moju poeziju s velikom dozom entuzijazma, znala sam da će moja pisana riječ ugledati svjetlost dana.

S obzirom na to da su Ponoćne misli Seminina prva knjiga, ističe i da je bilo potrebno obostrano povjerenje i mala doza strpljenja, ali su se zvijezde brzo posložile. Spomenutu knjigu odlučila je izdati u kooperaciji s pozorištem, a imajući u vidu upravo njenu povezanost s istim, nije iznenađujuće da je, kako navodi za redakciju, htjela da upravo ono ima značajnu ulogu u procesu izdavanja knjige.

Ipak, biti pisac i pjesnik nije lahko, Semina nam otkriva da se isprepliću osjećanja sreće, uzbuđenosti, ali i straha. Za sebe kaže da piše svakodnevno, ali samo mali djelić njenih riječi će doći do čitalaca jer joj je ipak posebna čar u poeziji koju ostavi za sebe.

Poručila bih svim mladim neafirmiranim piscima/pjesnicima da ih pisana riječ vodi kroz svakodnevni život jer se na kraju sve svodi na isto, na ono što mi osjećamo, a osjećanja nas grade.



PREDSTAVLJANJE UČENIKA GENERACIJE



Amra Forić

Stipendistica Amra Forić dolazi iz Čelića i završila je Mješovitu srednju školu u Čeliću, smjer medicinska sestra – tehničar. Tokom srednje škole trudila se da biti uključena u što više vannastavnih aktivnosti kako bi radila na vlastitoj edukaciji i napredovanju. Pored naklonosti ka medicini, posebne emocije gaji prema fotografiji i shvatila je da je fotografija nešto čime se voli baviti u slobodno vrijeme.

Sasvim spontano, postala je fotograf amater koji uvijek teži fotografisati one prave iskrene emocije te tako pomoći ljudima oko sebe u stvaranju najljepših uspomena. Prošlo ljeto imala je priliku sudjelovati na fotokonkursu na temu „Život poslije korone“ te je uspjela osvojiti drugo mjesto. Moj najveći uspjeh jeste upravo činjenica da sam stipendistica Fondacije Hastor. Dio Fondacije postala sam prije nepune tri godine i smatram da sam do danas upravo uz pomoć Fondacije postala bolja verzija sebe, naučila kako da gradim svoju ličnost, kako da pomognem svojoj okolini, kako da nedosanjane snove učinim stvarnim. Volontiranje u Fondaciji pomoglo mi je da razvijam svoje socijalne sposobnosti i da se edukujem o raznim temama. Fondacija je bila ta koja mi je pružila nesebičnu podršku onda kada sam je najviše trebala i bez sumnje to radi i dan-danas. Ponosna sam što sam kao dio lokalne grupe stipendista Fondacije Hastor iz Čelića uspjela pomoći u realizaciji nekoliko humanitarnih akcija i obradovati svoje sugrađane.



Drugim stipendistima je poručila: *Idite samopouzđano u smjeru svojih snova i trudite se ostvariti ih. Također, postoji jedna meni posebno draga rečenica koju je rekao Meša Selimović i smatram da je vrijedna pažnje – „I lupi mi šamar, onaj najjači, kad počnem da kukam nad životom i kad počnem da žalim sebe. Pokaži mi prstom ono što imam, pokaži mi one koji to nemaju. Ne tražim ništa, samo me podsjeti da dišem i da ima i onih koji ne dišu više.“*

PREDSTAVLJANJE UČENIKA GENERACIJE



Sara Alihodžić

Sara Alihodžić maturantica je Mješovite srednje škole u Sanskom Mostu. Njeni hobiji su crtanje, slikanje i fotografisanje. Kroz školovanje je učestvovala na takmičenjima iz vjeronauke, likovnog, hemije, historije i njemačkog jezika, a bila je i dijelom raznih sekcija kao što su ekološka, likovna i odbojkaška sekcija. U slobodno vrijeme se bavi trčanjem i odbojkom, a pored toga voli svirati gitaru i čitati knjige.



Veliku podršku mom školovanju pružila je upravo Fondacija Hastor. Dobila sam motivaciju da postanem još bolja i uspješnija i da postignem sve svoje ciljeve. Sviđa mi se program volontiranja jer se stipendisti mogu međusobno upoznati i sklopiti prijateljstva. Jako sam zahvalna Fondaciji Hastor za podršku i mogućnosti koju mi pruža, a moja poruka za nove stipendiste jeste da se trude da postanu najbolja verzija sebe i da postignu sve ono što žele.

PREDSTAVLJANJE UČENIKA GENERACIJE

Adela Petrović

Adela Petrović

Adela Petrović završila je Osnovnu školu „Miladije“ u Tuzli kao učenica generacije te je svoje obrazovanje odlučila nastaviti u Srednjoj medicinskoj školi. Proteklih pet godina aktivna je kao glumica u forum teatri-ma kroz koje je često imala priliku nastupati. Jednom prilikom je čak i primijećena od strane režisera iz Sarajeva koji joj je ponudio ulogu u kratkometražnom filmu s rediteljicom Carolinom Markowicz iz Brazila. Film je uspješno prikazan na Kanskom festivalu u Francuskoj, Sarajevo Film Festivalu, Podgorica Film Festivalu, Jerusalem Film Festivalu te brojnim drugim

Gluma nije jedini talenat ko Adela posjeduje – godinu dana se bavila plesom te je s plesnim klubom „Sandoval“ učestvovala na brojnim takmičenjima, gdje su ekipno uglavnom osvajali prva mjesta. Nakon plesa odlučila je posvetiti se ljubavi prema odbojci koju trenira skoro godinu dana, od čega četiri mjeseca u Ženskoj odbojkaškoj akademiji „Mikasa“ i sedam mjeseci u Odbojkaškom klubu „Sloboda“ Tuzla. Adela je i aktivna članica nevladine organizacije Udruženja Roma „Euro Rom“ Tuzla, gdje je učestvovala na brojnim projektima, uključujući navedeni forum teatar, ali i mnogobrojne predstave bazirane većinom na podizanju svijesti o nasilju, maloljetničkim brakovima i drugim društveno važnim temama. Po preporuci Udruženja „Euro Rom“ od nevladine organizacije MIOS (Međunarodni interaktivni otvoreni centar) dobila je poziv za učešće u Erasmus+ programu koji traje do 2022. godine i sastoji se od niza radionica baziranih na itekako bitnom neformalnom obrazovanju koje će, kako Adela navodi, imati priliku prenijeti na svoje vršnjake u bliskoj budućnosti. Planirani su odlasci u različite zemlje, a Adelino skoro putovanje u Srbiju predstavlja početak realizacije spomenutog projekta.

Stipendistica je Fondacije Hastor skoro dvije godine te ističe da je beskrajno zahvalna na ovoj prilici, imajući u vidu da joj je status stipendiste donio mnogo novih iskustava i znanja.



Uvijek sam mogla računati na Fondaciju i znala sam da imam veliki oslonac u svom životu, najčešće u polju obrazovanja. Ostalim stipendistima poručujem da budu istrajni, odgovorni i strpljivi te da je bitno shvatiti da je za uspjeh potrebno mnogo neuspjeha. Pritom, učite iz svojih grešaka jer ste sami sebi najveći prijatelj, a greške su najbolji učitelji.

PREDSTAVLJANJE UČENIKA GENERACIJE



Ahmed Bajrektarević

Ahmed Bajrektarević, stipendista Fondacije Hastor, završio je Osnovnu školu „Špionica“ u Špionici, noseći izvanrednu titulu Učenika generacije. Svoju budućnost vidi u sferama struje, električne energije i računara te je zbog toga ove godine u Srebreniku upisao Elektrotehničku školu, smjer Tehničar računarstva u Mješovitoj srednjoj školi u Srebreniku.

Izuzetno je ponosan na sebe zato što je shvatio svoj životni cilj i interesovanje veoma rano. Na ovo ga je upravo motivisalo samostalno izučavanje njegovih interesa, ali i drugi ljudi koji se bave poslovima vezanim za računare, a čiji je rad izazvao Ahmedovo divljenje i vremenom postao motivacija za vlastito unapređenje.

Ahmed je također ostvario odlične uspjehe na mnogobrojnim takmičenjima u oblasti informatike, matematike, hemije, vjeronauke, tehničke kulture i saobraćaja. Naglašava da mu je čast biti stipendista naše Fondacije koja mu pruža finansijsku podršku i potporu koja mu znatno olakšava proces školovanja.



To je poklon koji cijenim i pamtim, a ta potpora je istovremeno i odgojna pouka mladom čovjeku da i sam poklanja i gradi kulturu saradnje kada za to bude sposoban.

PREDSTAVLJANJE UČENIKA GENERACIJE

Andela Radumilo



Stipendistica Andela Radumilo završila je Osnovnu školu „Šamac“ u Šamcu, noseći titulu učenice generacije, a ove godine upisala je srednju školu „Nikola Tesla“ u Šamcu, smjer farmaceutski tehničar.

Jedno od Andelinih velikih interesovanja jeste matematika što je rezultiralo tim da je bila redovan učesnik na takmičenjima iz matematike na kojima je ostvarila zapažene rezultate – drugo mjesto na općinskom takmičenju u 7. i 8. razredu te 5. mjesto na regionalnom takmičenju u 9. razredu osnovne škole. Pored matematike, učestvovala je i na drugim takmičenjima, uključujući školska takmičenja iz fizike kao i plasman na regionalni nivo na takmičenju iz srpskog jezika u 7. razredu. U slobodno vrijeme voli čitati knjige, pomagati drugima i šetati s prijateljima. Ističe kako je ponosna što je postala učenik generacije i što nije razočarala svoje roditelje i Fondaciju već ih (nas) učinila ponosnima.

Andela je bila članica „Crvenog krsta“ u okviru kojeg je učestvovala na vježbama i volontirala kao redar na općinskim događajima, a upravo s „Crvenim krstom“ je u okviru projekta „Stop mine“ imala priliku učestvovati na još jednom takmičenju.

Stipendista je Fondacije Hastor već sedam godina, a naglašava da u Fondaciji pronalazi motivaciju za učenje, jer želi opravdati povjerenje, ali i primjer jer u budućnosti svojim zalaganjem, trudom i radom želi pomoći drugima.

Andelina poruka za druge stipendiste glasi:



Nije lako do uspjeha stići, ali trudom i radom sve se može postići. Kao što se može zaključiti i u ovom citatu: „Planinu će pomaknuti samo onaj koji je na početku pomicao kamenčiće“.

PREDSTAVLJANJE UČENIKA GENERACIJE



Erna Mehmedović

Još jedna stipendistica Fondacije Hastor Erna Mehmedović završila je Osnovnu školu „Todor Dokić“ u Kalenderovicima, noseći titulu učenice generacije. Svoje obrazovanje Erna nastavlja u Srednjoškolskom centru „Mihajlo Pupin“ Derventa, u gimnaziji koja će joj, kako ističe, biti najbolja podloga za Arhitektonsko-građevinski fakultet koji bi voljela studirati u budućnosti. Za ljubav prema arhitekturi kaže da je potekla od talenta za crtanje i slikanje kojima se bavi u slobodno vrijeme. Ernin talenat ju je doveo čak do osvojenog drugog mjesta na likovnom takmičenju organizovanom od strane Fondacije Hastor čime se jako ponosi.

Pored crtanja i slikanja, Erna voli i matematiku i fiziku, gdje je, zahvaljujući dobrim pripremama, ostvarila brojne pohvalne rezultate na takmičenjima. Pohvalno je spomenuti i takmičenja iz srpskog jezika, naročito ona iz recitovanja, gdje je osvojila prvo mjesto i dobila priliku predstaviti se na „Ljetnoj art sceni“, manifestaciji humanitarnog karaktera koja okuplja derventske umjetnike različitih branši.

Dio je Fondacije Hastor tri godine, a nada se da će titulu stipendistice nositi i u budućnosti. Za Fondaciju kaže da joj je pružila nova prijateljstva kao i motivaciju za dalji rad i uspjeh, a najdraža iskustva svakako se vežu za volontiranje:



Volonterski sati su mi definitivno najdraži! Do sada sam naučila mnogo novih stvari, lijepo se zabavila i vrijeme iskoristila na najbolji mogući način.

PREDSTAVLJANJE UČENIKA GENERACIJE



Aldijana Kovačević

Stipendistica Aldijana Kovačević porijeklom je iz Travnika, a odrasla je i živi u Donjem Vakufu, gdje je završila osnovnu školu, a potom i Mješovitu srednju školu Donji Vakuf. Od naredne akademske godine pohađat će Prirodno-matematički fakultet u Sarajevu na Odsjeku za hemiju.



Što se tiče slobodnog vremena, kojeg sam do sad mogla naći za sebe, najradije sam ga provodila čitajući. Bila sam i redovan član odbojkaškog kluba „As“ u Donjem Vakufu, međutim, kada sam prestala trenirati odbojku, počela sam s individualnim treninzima u teretani. Ono što također volim jeste atletika.

Za Fondaciju je dodala: Za Fondaciju Hastor saznala sam od jednog poznanika te tako uputila zahtjev da postanem dio vaše priče. Neizmjereno sam zahvalna na podršci koju Fondacija pruža, ne samo meni nego i svim drugim stipendistima. Kroz razna volontiranja stekla sam dosta prijatelja i doživjela jako lijepa iskustva. Drago mi je da u našoj državi postoji upravo jedna ovakva zajednica kojoj je bitan napredak mladih i koja daje vjetar u leđa i vjeru u bolje sutra.

PREDSTAVLJANJE UČENIKA GENERACIJE



Mahira Amidžić

Naša Mahira Amidžić iz Kaknja je maturantica Srednje mješovite škole „Zijah Dizdarević“ u Fojnici, gdje je stekla zvanje medicinske sestre – tehničara. S namjerom da se nastavi baviti ovim ili sličnim humanim zanimanjem, upisala je Stomatološki fakultet sa klinikama u Sarajevu. Posvećen rad i trud donijeli su joj titulu učenice generacije kako u osnovnoj tako i u srednjoj školi.



Uložila sam mnogo truda, bilo je odricanja i veliki broj nespavanih noći. S obzirom na to da Fojnica nije mjesto gdje sam odrasla, vrijeme provedeno tu za vrijeme srednje škole bilo je veoma uzbudljivo. U dubini sebe nosim istraživački duh, a Fojnica, ta prastara bosanska se-hara, ponudila mi je raznolik historijski, ali i geografski sadržaj koji je upotpunio moje slobodno vrijeme tokom četverogodišnjeg školovanja. Fojnički samostan, stara Atik džamija, mnogi vidikovci, ali i nezaboravno Prokoško jezero samo su neki od sadržaja koje Fojnica nudi.

Učeći o čovjekovom tijelu, zdravlju i vitalnosti, Mahira se počela baviti fitnessom i to je postao njen glavni hobi kojem se rado vraća u slobodno vrijeme.



Za Fondaciju Hastor saznala sam slučajno putem interneta i sada sam stipendistica pune četiri godine. Zahvalnost koju osjećam prema Fondaciji i ljudima koji su dio nje ne može se opisati riječima. Moja glavna poruka svim mladim ljudima jeste da ne odustaju! Možda zvuči kao otrcana fraza, ali zaista je tako. Nađite sebi izvor motivacije, vaš okidač za pokretanje i uspjeh će biti neizostavan. Jednog dana kada za sav taj trud dobijete papir za koji ste se toliko borili, milion nespavanih noći, odricanja od prijatelja i svega ostalog past će u zaborav. Vjerujte mi i ostajte mi pozitivni!

DIPOMANTI (82)

Ahmetagić Amina
Karić Anisa
Kišmetović Murisa
Ferizagić Nusreta
Mešan Erna
Smajlović Mahir
Porović Azra
Franjić Antonela
Halilović Elma
Avdagić Senada
Mulalić Nihada
Avdić Ajla
Džomba Emina
Tepić Emrah
Vrabac Džana
Dedić Nermin
Pobrklić Amra
Sirčo Adelisa
Tubok (Elezović) Ajla
Islamović Semra
Puljarga Adelisa
Vrabac Amir
Dževlan Faris
Nešust Semra
Mehmedagić Emira
Kafedžić Emma
Salkić Harisa
Imamović Selma
Džidić Amela
Tahić Medina
Muratović Armina
Hasanović-Hadžavdija Belma
Kutlovac Almina
Bačić Melisa
Bešić Amina
Abasphić Amina
Muminović Mersima
Alić Aiša
Musa Belma
Mašić Amina
Kapić (Gutlić) Belma

Huskanović Šejla
Hasanović Adelisa
Smajlović Fatima
Hadžajlić Narcisa
Cama Eldina
Dolić Farah
Omeragić Dinko
Gazić Fatima
Tešić Tatjana
Mrda Anđela
Bečić Meliha
Čaušević Mersiha
Hurko Indira
Latifović Mustafa
Zenkić Adela
Hadžić Maida
Šalo Nejra
Kadušić Ajdina
Arnaut Anida
Komar Nejla
Prnjavorac Ajla
Gerin Edin
Musić Nizama
Drakovac Ajla
Ibrahimović Nermina
Zukić Aldijana
Martinović (Džalto) Luciana
Hadžić Aldina
Piljak Aleksa
Lendo Amina
Sadiković Ajla
Dudić Mersiha
Jusić Ajla
Hero Sara
Šišić Majra
Merajić Melisa
Kadušić Asmir
Šahbegović Vahida
Avdić Aida
Medar Anela
Zulum Hasija

MAGISTRANTI (20)

Bećirović Emina
Bekteši Kemil
Buljubašić Ajla
Duraković Senija
Garaplija Eniz
Ibrić Dženita
Idrizović Enida
Isaković Alek
Jurišić (Tokić) Ana
Karamehmedović Irena
Latić Jasmina
Miljević Ana
Orlović Zeid
Pašić Šerifa
Pezer Amela
Pleh Hajrija
Spasojević Klaudija
Turić Ramiz
Vatreš Amela
Zahirović Azra

PREDSTAVLJANJE NAJBOLJIH STUDENATA SA PROSJEKOM 10.0

Nejla Graho

Nejla Graho je studentica treće godine Nastavničkog fakulteta Univerziteta „Džemal Bijedić“ u Mostaru na Odsjeku za sport i zdravlje. Ima 21 godinu i živi u mjestu Gorani kod Konjica.

S obzirom na to da je izabrala oblast koju voli, studiranje joj predstavlja priliku za istraživanje i napredovanje i traži od nje kreativnost i konstantan rad, stoga je ove godine ponovila prošlogodišnji uspjeh i ponovo ostvarila prosjek ocjena 10,0. Nastoji da svakim danom napreduje i da postane najbolja verzija sebe.

Ulogu Fondacije Hastor u svom životnom i obrazovnom putu opisuje na sljedeći način:



Stipendistica sam Fondacije Hastor već devet godina. Svojim trudom i radom nastojim da opravdam status stipendiste. S obzirom na sve ono što nam Fondacija pruža, jedino učenjem i radom mogu da se zahvalim, jer, kao što Mandela kaže: „Obrazovanje je najmoćnije oružje koje možete upotrijebiti da promijenite svijet.“



PREDSTAVLJANJE NAJBOLJIH STUDENATA SA PROSJEKOM 10.0


Anes Dilberović

Anes Dilberović iz Konjica je student treće godine smjera Menadžment u turizmu na Visokoj školi za turizam i menadžment Konjic. Za uspjeh tokom prethodne akademske godine kaže da mu je konstantan vodič bila Konfučijeva misao: „Odaberi posao koji voliš i nećeš morati raditi nijedan dan u svome životu.“

Stipendista Fondacije Hastor je već 5 godina i trenutno obavlja funkciju u timu za monitoring. Svojim angažmanom u monitoring timu u mnogome doprinosi Fondaciji Hastor te prepoznaje i cijeni njenu ulogu u svom životu.



Prilikom rada u timu za monitoring upoznao sam veliki broj mladih i kreativnih ljudi koji tokom izvršavanja svojih volonterskih aktivnosti stječu nova znanja, ali i doprinose radu Fondacije Hastor.



PREDSTAVLJANJE NAJBOLJIH STUDENATA SA PROSJEKOM 10.0

Hasen Zejćirović

Hasen Zejćirović dolazi iz mjesta Ratkovići pored Čelića i od februara ove godine je stipendista Fondacije Hastor. Student je četvrte godine na Fakultetu elektrotehnike u Tuzli na Odsjeku za elektrotehniku i računarstvo, uža naučna oblast – elektrotehnika i sistemi konverzije energije. Navodi da se još od početka školovanja trudio ostvariti što bolji uspjeh i naučiti što više, ali prije svega steći radne navike.



Moj trud nagrađen je titulom Učenika generacije na kraju osnovne i na kraju srednje škole, ali i dobrim ocjenama te nizom mogućnosti tokom mog dosadašnjeg studija.

Pored navedenog, činjenicu da je tokom prošle akademske godine postao stipendista Fondacije Hastor smatra velikom nagradom za svoj uspjeh u studiju te mogućnošću za dalje napredovanje kako u profesionalnom tako i na privatnom planu.



Fondacija, osim što mojim kolegama stipendistima i meni pruža svaki vid pomoći i sigurnosti, velikim dijelom na nas djeluje i odgojno te nas motivira da nastavimo svoje obrazovanje i da ostvarujemo još bolje rezultate. Gradeći samopouzdanje i ulažući u sebe, svoje obrazovanje i znanje te volontiranjem u lokalnoj zajednici i s učenicima stipendistima, trudim se u najboljem svjetlu prenositi ideju i misiju Fondacije i doprinijeti, onoliko koliko sam u mogućnosti, stvaranju kvalitetnih i obrazovanih mladih ljudi koji su budućnost naše domovine.



PREDSTAVLJANJE NAJBOLJIH STUDENATA SA PROSJEKOM 10.0


Antonela Franjić

Antonela Franjić je studentica drugog ciklusa studija na Ekonomskom fakultetu Univerziteta u Tuzli, smjer Finansije, bankarstvo i osiguranje. Prvi ciklus je završila na istom smjeru s prosječnom ocjenom 9,60 te je po uspjehu druga u svojoj generaciji. U posljednjoj godini studija je ostvarila prosječni uspjeh 10,0, kao jedina takva u svojoj generaciji, te je dobila pohvalu fakulteta.

Iako je tek nedavno postala stipendistica Fondacije Hastor, svakim danom ima priliku da shvati koliko se njen život promijenio i koliko je postala odgovorniji član društva.



Fondacija Hastor ne pruža samo finansijsku podršku i u ovoj zajednici ne postoji osjećaj „moranja“ za nešto, već nam se pruža osjećaj pripadnosti i podrške u svim situacijama. Najbolje rečeno, svi članovi Fondacije trude se da njihovi stipendisti postanu kompletne ličnosti, kompetentni naučnici i saradnici koji na prvo mjesto stavljaju ljudske vrijednosti, a to je ono najvažnije. Ipak, svi smo mi samo ljudi, bez obzira na diplomu, boju kože, jezik u komunikaciji i sl.



PREDSTAVLJANJE NAJBOLJIH STUDENATA SA PROSJEKOM 10.0

Emira Mlivo

Jedna od naših stipendistica koja se istaknula izvrsnim uspjehom i ostvarenom prosječnom ocjenom 10.0 u toku prethodne akademske godine je i Emira Mlivo. Dolazi iz Bugojna i studira farmaciju na Farmaceutsko-zdravstvenom fakultetu Univerziteta u Travniku. Trenutno je četvrta godina integrisanog studija. Što se tiče uspjeha koji je ostvarila u protekloj godini, naglašava da je pored uloženog truda i vremena, potreban i poseban interes i ljubav prema određenoj obla-



Pronašla sam se u oblasti farmacije, tako da svu svoju pažnju i interesovanje usmjeravam prema istoj pa čak i u slobodno vrijeme kad dodatno istražujem i čitam zanimljivosti vezane za moju buduću profesiju.

Prema Fondaciji Hastor gaji posebne osjećaje s obzirom na to da je stipendistica već osam godina.



Riječima se ne može opisati osjećaj pripadnosti jednoj tako ogromnoj zajednici ljudi. Za mene je pripadnost Fondaciji Hastor posebna čast i zadovoljstvo jer mi, prije svega, pruža veliki broj novih iskustava, pogotvo kad se govori o volonterskom radu, a ujedno predstavlja ogromnu finansijsku pomoć s obzirom na činjenicu da pomoću stipendije otplaćujem većinu fakultetskih troškova.



PREDSTAVLJANJE NAJBOLJIH STUDENATA SA PROSJEKOM 10.0

Ena Bešo

Ena Bešo je stipendistica koja dolazi iz Stoca i studira na Fakultetu strojarstva, računarstva i elektrotehnike Sveučilišta u Mostaru, gdje je studentica druge godine diplomskog studija elektrotehnike. Ostvarila je dosadašnji prosjek 5,0 i smatra ga dokazom za spremnost na rad i učenje.



Iako je ovo postignuće samo po sebi razlog za ponos, lijepo je vidjeti da postoji neko ko cijeni moje rezultate i raduje se mojim uspjesima. To je, osim mojih najbližih, i Fondacija Hastor kojoj sam iskreno zahvalna na velikoj podršci i motivaciji.



PREDSTAVLJANJE NAJBOLJIH STUDENATA SA PROSJEKOM 10.0

Alek Isaković

Stipendista Alek Isaković iz Sarajeva je cjelovečernjim koncertom sa Sarajevskom filharmonijom najvišom ocjenom završio drugi ciklus studija na Muzičkoj akademiji Univerziteta u Sarajevu na Odsjeku za dirigovanje te stekao zvanje magistra muzičkih umjetnosti iz oblasti dirigovanja. Dvostruki je dobitnik priznanja Zlatna značka Univerziteta u Sarajevu, prošle akademske godine kao jedan od najboljih studenata prvog ciklusa studija, a ove godine kao jedan od najboljih studenata prvog i drugog ciklusa studija. U ovoj akademskoj godini je upisao još jedan studij, ovaj put drugi ciklus studija na Odsjeku za muzičku teoriju i pedagogiju.



Iako sam nakon završetka srednje škole mogao upisati bilo koji fakultet, s obzirom na to da sam završio istovremeno Srednju muzičku školu Sarajevo i Prvu bošnjačku gimnaziju Sarajevo, ipak sam se odlučio da upišem Muzičku akademiju Univerziteta u Sarajevu, bez obzira na to što sam često dobijao komentare od vršnjaka i profesora da sam upisom nekog drugog fakulteta mogao sebi olakšati pronalazak posla po završetku studija. Iskreno, ne kajem se ni jednog trenutka što sam napravio takvu odluku. Upisao sam i završio ono što volim i što me ispunjava i mislim da je to najbitnije tokom studiranja. Trenutno nisam stalno zaposlen, ali veoma često imam povremene angažmane za određene projekte. Ne brinem se pretjerano za posao zato što će onaj koji mnogo radi na sebi i trudi se da bude što bolji u onome što radi bez sumnje biti priznat i u društvu.



PREDSTAVLJANJE NAJBOLJIH STUDENATA SA PROSJEKOM 10.0

Alek Isaković

Fondacija Hastor je njegova druga porodica skoro pune dvije godine i za to vrijeme je shvatio važnost Fondacije, prije svega u svom životu, a potom i u društvu općenito.



Iako Fondacija ima veliki broj stipendista, apsolutno svi u Fondaciji su toliko bliski kao da je u pitanju jedan mali kolektiv ili, još bolje, porodica. Od direktora preko administracije do kolega iz drugih timova, svi su pristupačni i ne postoji princip nedodirljivosti, upravo suprotno, apsolutno svi su dostupni uvijek i zainteresovani za nove ideje, projekte, savjete, pomoć, čak i ako je potreban samo obični neformalni razgovor. To je ono što izdvaja našu Fondaciju Hastor od ostalih fondacija. Naravno, o finansijskoj pomoći ne moram ni govoriti, to je svakako itekako bitno, ali u prvom planu je to zajedništvo, pristupačnost, ljudskost, motivacija i želja za uspjehom svih nas kao i svakodnevno neumorno praćenje napretka i općenitog stanja svakog stipendiste pojedinačno. Mogu sa sigurnošću tvrditi da to u drugim fondacijama ne postoji. Iz ovih razloga poželim da zauvijek budem student kako bih mogao zauvijek biti dijelom ove divne porodice. Naravno, i kada ne budem formalno više stipendista, svakako da ću se uvijek rado odazvati i vraćati aktivnostima i kolektivu Fondacije.



PREDSTAVLJANJE NAJBOLJIH STUDENATA SA PROSJEKOM 10.0

Adisa Bolić

Adisa Bolić iz Bosanskog Petrovca je studentica pete godine na Prirodno-matematičkom fakultetu Univerziteta u Sarajevu, smjer Teorijska kompjuterska nauka, s dosadašnjim prosjekom na master studiju 10,0. Dio zasluga za njen uspjeh pripisuje Fondaciji Hastor za koju kaže da joj je dosta pomogla kroz školovanje i život općenito, s obzirom na to da stipendiju prima još od 5. razreda osnovne škole, naročito finansijski.



Stipendija Fondacije Hastor mi je omogućila odlazak na školovanje u Sarajevo, gdje sam imala bolje uslove za pripremu za matematička takmičenja, ali i razne druge školske i neškolske potrebe. Također sam kroz aktivnosti u Fondaciji upoznala osobe s kojima sam i danas u dobrim odnosima za šta mislim da je veoma značajno.



PREDSTAVLJANJE NAJBOLJIH STUDENATA SA PROSJEKOM 10.0

Belma Gutlić

Rođena u Bosanskom Petrovcu, a s trenutačnom adresom u Cazinu, stipendistica Belma Gutlić je studentica II ciklusa studija na Tehničkom fakultetu Univerziteta u Bihaću, Odsjek za tekstil, smjer Dizajn tekstila i odjeće. Na istom fakultetu je tokom dodiplomskog studija ostvarila odličan uspjeh, a isti krunisala prosjekom 10,0 u akademskoj 2020/2021. godini i time dobila nagradu Federalnog ministarstva obrazovanja i nauke za najboljeg studenta na Fakultetu.



Moda je nešto čime se želim baviti i to definitivno postaje dio mene i moje osobnosti. Trudim se biti optimistična i ići naprijed, a stipendija Fondacije Hastor mi daje više samopouzdanja za to. Moja kreativnost dolazi od sreće i sigurno da Fondacija Hastor olakšava put do nje.



ONLINE MJESEČNI SASTANCI STUDENATA STIPENDISTA

Biti stipendista Fondacije Hastor je privilegija koja sa sobom nosi mnogo obaveza. Obaveze studenata stipendista djeluju po sistemu zamišljenom na način da stariji stipendisti, odnosno mentori prenose svoja znanja, iskustva i ideje na mlađe stipendiste kroz proces volontiranja. Fondacija Hastor se danas može pohvaliti velikim brojem uspješnih mladih ljudi koji postižu izvanredne uspjehe na svim poljima. Pored mjesečnih volontiranja s mlađim stipendistima i volontiranja u svojoj lokalnoj zajednici, studenti stipendisti imaju obavezne mjesečne sastanke. Mjesečni sastanci studenata stipendista oduvijek su stipendistima nudili mogućnost da saznaju nove korisne stvari te da se povežu i upoznaju s drugim stipendistima. Pandemija koronavirusa izmijenila je način održavanja mjesečnih sastanaka studenata stipendista u prostorijama Fondacije Hastor, ali je taj nedostatak uspješno nadomješten online sastancima koji su ponovo povezali naše stipendiste i učinili da se osjećamo kao jedna velika porodica, što i jesmo.

Na svakom online sastanku studente stipendiste bi s osmijehom dočekao direktor Fondacije Hastor Seid Fijuljanin, koji bi ih podsjećao na vrijednosti koje krasi samu Fondaciju te davao vrijedne savjete.

Tokom mjesečnih online sastanaka studenti su imali priliku slušati predavanja drugih stipendista koja su bila edukativnog karaktera. Na svakom sastanku stipendisti nauče nešto novo i zanimljivo, a kroz diskusiju na raznim radionicama koje su naši vrijedni predavači spremali, studenti su ponovo imali onaj osjećaj zajedništva koji im je nedostajao. Pored zajedništva, naši mjesečni online sastanci su često naše studente podsjećali na nešto što su možda i zaboravili ili propustili, obavljajući svakodnevne obaveze. Tako su studenti stipendisti, kroz radionicu koja nosi naziv „Kultura govora – osnove pravilnog izražavanja“, proveli vrijeme u dinamičnoj diskusiji s predavačicama koje su kroz primjere dočarale kako nekad i ne primijetimo greške koje činimo u svakodnevnom govoru i pisanju. Kroz smijeh i zabavu studenti stipendisti su obnovili znanje iz maternjeg jezika i naučili nova gramatička pravila koja su u upotrebi. Vrijeme ispitnih rokova za studente stipendiste Fondacije Hastor često može biti izuzetno stresno i teško.

Mnogobrojne obaveze, manjak vremena i neredovan san u vrijeme ispitnih rokova najčešći su problemi s kojima se studenti susreću. Upravo iz tog razloga je Fondacija Hastor angažovala jednog od stipendista da kroz korisne savjete predstavi studentima stipendistima na jednom od mjesečnih online sastanaka izuzetno značajnu temu „Anksioznost – kako je savladati?“.

S obzirom na to da u našoj porodici studenata stipendista imamo značajan broj studenata psihologije, ovaj mjesečni online sastanak u skladu s temom imao je prizvuk ozbiljnosti, ali ipak, kroz lične primjere koji su navodili studenti, sastanak je djelovao prisno te se svaki stipendista mogao poistovjetiti s nekom situacijom. Fondacija Hastor je kroz ovaj mjesečni online sastanak pokazala stipendistima koliko je važno mentalno zdravlje, posebno danas u periodu pandemije korona virusa.

Kako bi studenti stipendisti izbjegli većinu nepotrebnog stresa pred ispitne rokove, na jednom od mjesečnih sastanaka mogli su saznati korisne tehnike putem kojih na pravi način mogu iskoristiti dan, sedmicu, mjesec, godinu ili čak cijeli život. O tome koliko je dobra organizacija vremena bitna stipendisti su slušali na augustovskom sastanku u okviru teme „Time management“, gdje su naučili kako bolje mogu organizovati svoje slobodno vrijeme i iskoristiti svaki minut na koristan način.

Baš kao što su i mjesečni sastanci studenata stipendista online, tako je i tema jednog od sastanka bila „Remote work“ ili rad na daljinu koji je doživio pravi procvat u periodu pandemije. Pored razgovora o ovoj temi, predavač je predstavio poslove koji se mogu obavljati od kuće, što je posebno zainteresovalo pojedine stipendiste. Studenti stipendisti su imali priliku slušati iz prve ruke iskustva stipendiste koji je i sam radio od kuće prije početka pandemije i tako dobiti potrebne informacije za sebe.

Iako su mjesečni sastanci studenata stipendista online, na svakom sastanku je neizostavna topla i prijateljska atmosfera koju ništa ne može prekinuti, čak ni pandemija. Svaki sastanak studenti stipendisti završavaju velikim virtuelnim zagrljajima i pozdravima do narednog viđenja.

POKRETAČKA SNAGA FONDACIJE HASTOR

Fondacija Hastor svojim dugogodišnjim radom s talentovanim mladim ljudima, koji svojim nastavnim i vannastavnim uspjesima svakim danom dokazuju da zaslužuju prilike za unapređenje i razvoj, godinama jača svoju pokretačku snagu kroz djelovanje stipendista na lokalnom nivou.

Nedvojbeno je da svakom godinom sve više jačamo našu uspješnu zajednicu. Brojeći 2207 stipendista u 135 općina i gradova širom Bosne i Hercegovine, prenosimo znanja i vještine, kako stručne tako i životne, od naših najstarijih stipendista i mentora, do onih najmlađih koji tek počinju koračati svojim putem uspjeha.

Mentori su oduvijek imali značajne uloge u životima mladih koje su mentorisali. Bob Proctor, autor i predavač, o mentorstvu je rekao sljedeće: „Mentor je neko ko u vama vidi više talenta i sposobnosti nego što vi vidite u sebi i pomaže vam da to izbacite iz sebe.“

Vrijedi istaknuti činjenicu da je karakteristika Fondacije Hastor to što mlađi stipendisti svakog mjeseca imaju priliku kroz mjesečne sastanke osjetiti mentorsku podršku, a stipendisti sa statusom studenta svakog mjeseca imaju priliku biti mentori mladim i perspektivnim učenicima osnovnih i srednjih škola u Bosni i Hercegovini, prenositi im svoja iskustva, pomoći im pri rješavanju problema, ali i podržati ih na putu ostvarenja njihovih želja i ambicija kroz nadolazeće godine. Kao mentori, studenti razvijaju empatiju i emocionalnu inteligenciju, ali i imaju priliku podijeliti savjete koji su nekada, ne tako davno, i njima kao učenicima i tinejdžerima bili potrebni.

Studenti, naravno, nisu prepušteni sami sebi u cijelom procesu. Administracija Fondacije uvijek nesebično pomaže prilikom pripreme volonterskih sastanaka, a na početku svake akademske godine, administracijski tim kreira plan tema mjesečnih sastanaka u skladu s aktuelnim i društveno važnim temama koje su neophodne za osnovnoškolski i srednjoškolski uzrast. Studenti mentori samostalno biraju način implementacije teme na sastanku, kao i način rada, kroz šta mogu i vrlo lahko prepoznati svoje afinitete, ali i unaprijediti komunikacijske vještine, radeći jedan od najplemenitijih poziva na svijetu – edukacija onih najmlađih koji će u nadolazećim godinama postati nosioci društva, prenoseći i na buduće generacije istinske ljudske vrijednosti.

Ipak, mentorska uloga ne počinje i ne završava obrađivanjem tema svakog mjeseca. Kroz mentorstvo mentori i njihovi učenici se zbliže, često razgovaraju i o mnogim drugim temama, važnim svakome od njih pojedinačno, a nerijetko se okrenu i drugim zajedničkim aktivnostima s ciljem unapređenja njihovih lokalnih zajednica.


Bilo da je to humanitarna akcija, takmičenje, kreativna radionica ili čišćenje zelenih površina, stipendisti kroz zajedništvo i građenje vlastitih kapaciteta djeluju i na unapređenje društva u kojem žive, gdje jednom po jednom društveno korisnom akcijom kreiraju perspektivnije lokalne zajednice.

Volontiranjem u lokalnoj zajednici, učenjem od mentora, ali i kroz samo mentorisanje jača se zajednica Fondacije Hastor, a uspjesi upravo mladih ljudi vođenih humanom željom za napredovanjem i doprinosom zajednici kroz godine postaju sve veći i brojniji.

PREDSTAVLJANJE POSEBNIH TIMOVA

REDAKCIJA

Redakciju Fondacije Hastor čine stipendisti koji pomno planiraju sadržaj koji će se naći u okviru newslettera i web-stranice Fondacije Hastor, biraju teme za tekstove, pišu ih te uređuju. U okviru newslettera, koji se objavljuje mjesečno, mogu se naći članci koji govore o uspjehu stipendista, pozitivnim primjerima, svakodnevnim aktivnostima, ali se predstavljaju i umjetnički radovi u okviru poetskog kutka. Kako je i spomenuto, pored newslettera, naša redakcija uređuje i tekstove koji se objavljuju na web-stranici Fondacije te time pravovremeno obavještava stipendiste i širu javnost o najznačajnijim događajima vezanim za Fondaciju.



PREDSTAVLJANJE POSEBNIH TIMOVA

IT

Redovno ažuriranje službene web-stranice Fondacije Hastor, izrada novih projekata te održavanje postojećih je povjereno IT timu, koji je zaslužan za online platformu Fondacije Hastor. Njom je olakšan rad stipendista kao i slanje izvještaja ili najava volonterskih druženja te su se na ovaj način izbjegle komplikacije koje su ranije mogle biti prisutne.

IT



PREDSTAVLJANJE POSEBNIH TIMOVA

TIM ZA ODRŽAVANJE DRUŠTVENIH MREŽA

Mi u Fondaciji Hastor smo itekako svjesni važnosti informisanja u svijetu današnjice, stoga naš tim za održavanje društvenih mreža svakodnevno kreira objave na društvenim mrežama (Facebook, Instagram, LinkedIn). Svaka objava se zasebno posmatra i projektuje, dizajn objave se prilagođava temi, sadržaj je sažet, ali veoma informativan. Svojim objavama tim informiše javnost o dešavanjima u okviru Fondacije, rezultatima stipendista te najavljuje nadolazeće događaje.



PREDSTAVLJANJE POSEBNIH TIMOVA

ADMINISTRACIJSKI TIM

Administracija je tim koji je zadužen za komunikaciju sa stipendistima, telefonski i putem elektronske pošte, bilježenje njihovih obavještenja, najava volontiranja i sl. Administracijski tim Fondacije, također, komunicira s trećim licima, odgovara na upite i molbe te pruža opće informacije o Fondaciji, procesu odabira stipendista, molbama i sl. Članovi administracije se mijenjaju odlaskom članova koji su završili školovanje te time okončali svoje pravo na stipendiranje. Dakle, po sticanju akademske titule i završetka fakulteta nekog od članova, u administraciji se vrši obuka novih članova. Pored administracijskog tima, u prostorijama Fondacije volontiraju svi studenti stipendisti koji studiraju na Univerzitetu u Sarajevu. Ovi studenti u prostorijama Fondacije provode svoje volonterske sate, a prilikom volontiranja obično rade poslove koji se klasificiraju kao administrativno i kancelarijsko poslovanje, što im pruža mogućnost da se upoznaju i s ovakvom vrstom posla te im daje izvjesno iskustvo i na ovome polju. Administracijski tim čine i studenti stipendisti koji svoje volonterske sate ulažu u sortiranje zaprimljene pošte, koja se nakon toga unosi u elektronsku knjigu protokola. Studenti stipendisti Fondacije Hastor svoje volonterske sate ulažu u sortiranje zaprimljene pošte, nakon čega se ista unosi u knjigu protokola.



PREDSTAVLJANJE POSEBNIH TIMOVA

GRAFIČKI DIZAJN

Mjesečni newsletter, godišnji izvještaji, web-stranica i društvene mreže Fondacije Hastor uvijek imaju kreativan i profesionalno osmišljen dizajn. Za to su zaslužni studenti likovnih akademija odsjeka za grafički dizajn, multimediju i sl. Pored svojih glavnih obaveza, u okviru svog rada vode računa o dizajnu svih dokumenata i priznanica koje nastaju i koriste se u Fondaciji.

TIM ZA



PREDSTAVLJANJE POSEBNIH TIMOVA

PREVODILAČKI TIM

Usko saradujući s redakcijskim timom, ovaj tim obavlja prevodenje mjesečnog biltena Fondacije Hastor na engleski i njemački jezik, kako bi bio dostupan svima onima koji prate Fondaciju, a ne razumiju jedan od zvaničnih jezika koji se koriste u našoj državi. Pored toga, tim prevodi godišnje izvještaje, članke na web-stranici i druge vrste dokumenata koji se potražuju u Fondaciji. Prevodima na dva svjetska jezika vijesti o događanjima, aktivnostima i uspjesima u Fondaciji dopiru do svih onih koji dijele i podržavaju misiju Fondacije. Na ovaj način naši međunarodni prijatelji su uvijek u toku s aktivnostima u Fondaciji.



PREDSTAVLJANJE POSEBNIH TIMOVA

TIM ZA MONITORING

Tok sastanaka naših stipendista pomno prate članovi tima za monitoring i to ne isključivo iz kontrolnih razloga, naprotiv, u dosadašnjoj praksi se pokazalo da preko tima za monitoring dobijamo uvid u kreativne načine rada u toku sastanaka stipendista, saznajemo za njihove uspjehe te usvajamo nove ideje i mišljenja.



KLUB PRIJATELJA I DONATORA

Kroz petnaest godina svog postojanja Fondacija Hastor svakodnevno unapređuje svoje aktivnosti i djelovanje, a sve u cilju ulaganja u obrazovanje i izgradnje kvalitetnijeg i prosperitetnijeg bosanskohercegovačkog društva. Zahvaljujući angažmanu svih koji se svojim radom i djelom vežu za Fondaciju Hastor, prvenstveno njenog kolektiva, razvila se u najznačajniju i najveću fondaciju ove vrste na području Bosne i Hercegovine i regiona.

Danas, kada Fondacija ponosno broji 2207 stipendista iz 135 gradova i općina, uz nju stoji mnoštvo prijatelja i donatora koji prepoznaju misiju Fondacije i aktivno je podržavaju. Svojom nesebičnom podrškom te odlukom da svoju društvenu odgovornost usmjere ka investiranju u obrazovanje, naši prijatelji i donatori čine mogućim dugoročnu misiju Fondacije Hastor s vjerom da pozitivne promjene u društvu i njegova svjetlija budućnost dolaze zajedničkim radom, znanjem i uspješnim školovanjem.

VOLONTERI FONDACIJE HASTOR

Aganspahić Sead
Ahmetović Edin
Avdić Marizela
Bajgorić Muamer
Broz Zoran
Čivgin Nihad
Čiva Edina
Dedić Amela
Delić Sanel
Deljković Zlatan
Duvnjak-Šehović Naida
Džanko Nermin
Đonlagić Lejla
Hadžić Mehmedalija
Hadžiselimović Eldin
Hasagić Emina
Hasanović Merima
Hajdarević Dželila
Huseinović Šukrija
Hodžić Adnan
Hodžić Emina
Husnić Maida
Iseni Enes
Jalimam Emir
Jazvin Almir
Karić Sanela
Karović Esada
Kekić Kenan
Kovačević Mirsada
Kučuk Adisa
Kulo Emra
Lazović Nejla
Milinović Linda
Morankić Feđa
Mustafić Samir
Palić Safet
Pašić Rabija
Porobić Jasmin
Povlakić Abdulah
Pulić Mirza
Rahman Haris
Redžepović Aida
Rizvo Marizela
Redžepović Samir
Salkić Aida
Sarajlić Haris
Smajić Nermina
Vučić Tatjana
Vuk Edina
Pehar Davor
Ovčina Denis

... i neka nam ne zamjere mnogi mnogi drugi, trebalo bi nam još makar 50 stranica da napišemo svu ljubav i energiju koju dobijamo od svih naših volontera..

PRIDRUŽI NAM SE, DONIRAJ!



Fondacija Hastor je organizacija koja punih 15 godina djeluje na području Bosne i Hercegovine tako što ulaže u obrazovanje djece i mladih, a posebno onih koji su marginalizirani usljed teškog socio-ekonomskog statusa i sredine u kojoj žive. Podstaknuta idejom da olakša školovanje i poboljša uslove života djece i mladih, Fondacija Hastor danas broji impresivnih 2207 stipendista u čak 135 općina širom Bosne i Hercegovine.

Od samog početka djelovanja ohrabrujemo osnovnoškolce, srednjoškolce i studente da nam se jave i postanu dio velike porodice Fondacije Hastor. S obzirom na to da na adresu Fondacije Hastor svakodnevno pristiže veliki broj molbi za stipendiranje, nismo u mogućnosti prihvatiti i podržati sve one koji nam se jave iako to zaista želimo. Selekcija kandidata predstavlja jedan od najtežih zadataka naše komisije jer smo nerado prisiljeni da određeni broj molbi odbijemo, stoga nam je potrebna izvjesna podrška drugih kako bi veliki broj mladih i perspektivnih učenika i studenata dobio priliku za ostvarivanje svojih želja i snova.

Naša misija iz godine u godinu jeste da osiguramo sredstva za stipendiranje velikog broja učenika i studenata, a uz sve to Fondacija Hastor čvrsto stoji uz svakog stipendistu, pružajući mu svu potrebnu podršku i pomoć do okončanja obrazovanja i pronalaženja zaposlenja, što je glavni cilj svakog stipendiste. Ovim putem pozivamo sve pojedince, zajednice i organizacije da budu dio Fondacije Hastor i pomognu nam da veliki broj stipendista dobije priliku za uspješno obrazovanje tako što će na svojevrsan način doprinijeti osiguravanju finansijskih sredstava za stipendiranje djece i mladih širom čitave Bosne i Hercegovine.

Ukoliko želite podržati rad Fondacije Hastor, uplatu donacije možete izvršiti na jedan od transakcijskih računa:

ASA Banka dd Sarajevo:
1346101000825159

Unicredit Bank dd Sarajevo:
3389002201775656

Raiffeisen Bank BH dd Sarajevo:
1610000055230065